



詩六

戴園留別五章

戴園詩

戴園詩

復堂類集

輕煙澹日尙書祠華前日  
日倒接離相逢幾載文字飲便  
須喚作我家池無波池水檐華落歷歷琴絲低素幕土龍  
不出尙雲閒揚雄何地亾高閣

七年三度公車客酒肆臧名何落魄如水閒雲戀舊山緒  
風吹出還無迹千絲拂鏡不成妍六七青袍非少年風風  
雨雨華樹下將離錯怨琵琶絃

林亭無我有諸君華發鵲嘯處處聞故人鬱水

李宗庚子長作令廣

還盱水

王麟書松谿作令江西

客路秦雲

施補華伯均從軍甘肅

又楚雲

令湖北萬言何如一椽水未免資郎羞犬子入洛亾成更

詩六

度江平生聞一能知幾

皋園古藤煖張蓋南園絲柳春垂帶三園作主儂是客客  
去煙光各亾賴曾波流月何迢遙青山如夢非南朝北風  
雙鬢吹裏裏回首杭州第七橋

新讀人閒種樹書攀枝折條空脚躑黃頭催發徑須發成  
行華藥將何如平生幾兩阮家屐臨別片言繞朝策時平  
中外思賢豪珍重東山謝安石

南北行

人生失意無南北日日煙霜冷胸臆夢臧巖壑待春安坐  
廢行慚去鄉國今年人事太恩恩出門無地非春風荒荒  
海氣入懷抱曼衍失笑誰魚龍天門九重詆蕩蕩曾階終



隔玄雲上無用文章退自疑有時歌哭神猶王長星息光  
不入井海東生塵林蔽景常何不作馬周老火色鳶肩誰  
見省送人作郡鬼挪揄勇圖作佛吾何愚試求腰笏走江  
介南心已共浮雲徂行雲秋落九曲城支離病骨妻兒驚  
筆研欲棄不得棄無田無處容躬畊朔風滔滔敝裘滿冰  
雪憎予去程緩馬足長辭北地寒鴻飛又失南雲煖汗泥  
何必非清塵過江艸木回陽春六朝已逐寒潮盡弟二流  
思溫太眞

和金詹生送別

似恐丹鉛廢此身出門不獨爲清貧過江晉宋風流改落  
木關河感槩眞相送青尊同恨淺論交白首肯如新去容

詩六

二

拄笏衣冠坐猶是嶽崎厯落人

過松江懷張公束竝東魏般仲

歲晚趨江介行舟日日風嚴城送鴻雁寒水納魚龍欲制  
臨岐恨如忘握手同雲聞名士國後夜夢雙東

江行

洪濤渙南紀何地無長風煙輪去浩浩江國時其通是日  
方曾陰栗烈寒威充十二月六日金焦若部婁日攝馮夷宮節

吹猶軍聲雨洗征塵空雜霰宵橫素巖壑遲春容平移千  
里席靈境一時逢鬱奇去易失曠古勢猶雄忽憶秋乘槎  
重冥垂六龍噴雲溼八表舒卷臧其功竈鼉不敢豪光景  
浮蒙龍濡鬣今其時百稟柴吾曾員嶠亦可接玉女時相

從靈轡指往來金銀氣濛濛東帶適江表萬化閱玄冬一  
歌日出入江海亾終窮

安慶

海岱歸來百感平上游形勝拓羈情嶽浮漢武南巡色潮  
卷尋陽西上聲一槩軍容寒戰壘萬家民事儉江城傲裴  
丙手無多煖洗眼曾雲卽漸生

偕漢陽蕭筱田蕭山盛春塘江樓覽眺

丙手無耑還出手與君同指隔江山吳歌楚舞何今古虎  
踞龍蟠只等閒

迎江寺

寺門霜色俯姓空蕉萃征袍有烈風南國年光隨逝水北

詩六

三

來消息阻飛鴻塔鈴獨語馮誰解石闕銜悲訝許同謬誤  
應官無一事思歸心與大江東

答新城黃長森兼懷楊舍人臺灣

逢君驚歲晚風雪厭江天目攝千秋上神交十載前功名  
容拙宦哀樂亦中年海內衣冠盛推移幾輩賢

浮海事何如艱難老病餘兩人懷故舊萬里斷音書冰雪  
春仍轉雲山約已虛入荒原不隔何待接帚裾

送黃襄男之和州

暫解琴絲御別觴名賢筦榷豈尋常九華山色辭陶令

官宰

青陽二月春風醉歷陽世事浮沈非本計人閒憂樂未能忘  
皖江近接章江水獨夜知君夢故鄉



答鄭襄

廿載憂患餘一澹息千慮偶思試人事守拙安吾素與子  
夙知名執手如雅故一官雖瓠落差免爲世蠹江介春恆  
寒葛屨踐霜路尺寸不自知勿乃窘予步文字豈足矜絃  
詩陳靡鹽有時程吏職黽勉前修赴林木思春陽飛鳥一  
回顧毛羽任摧頽稻粱隨所遇

贈邢世銘子膺

最宜邱壑不宜官塵外相逢結古歡名士衣冠供刻畫舊  
游琴酒各荒寒鳥嘯芳樹春人倦華發山城夢雨殘日夜  
大江流不盡揚州明月好誰看

和鄭贊侯

詩六

四

華月輝輝似有情照人寂寞客江城天涯劍氣尋知己故  
國楊枝念遠行青鬢曉隨金鏡換綠波煖送布帆輕鷺初  
燕晚渾無賴一曲陽春待繼聲

題張子虞負書圖

酸風如刀雲壓壘高城不闢鼓聲外十日五日斷行人鳥  
下空邨復飛起破衣踽踽者爲誰一囊頰肩走不弛囊非  
金玉非糗糧瑟瑟作聲皆故紙道逢暴客何猙獰釋負與  
我我貴尔答言無錢祇有書拂拭艸閒解相眎是何年少  
眞書癡舍去勿顧笑不止莫投逆旅向書拜名父云叅生  
孝子等身箸作張先生已脫干戈外轉徙遺編鄭重付佳  
兒契闊逃亾終寶此三年蕩滌復儒冠百卷攜持還故里

何圖家學得傳人卽漸名山出良史痛心往事欲招魂啟  
手遺言猶在耳眼中艸樹何荒涼落日依稀嘯山鬼楹書  
徧讀堪世用移孝求忠良有以故山落拓尙青袍夕膳依  
依仍負米

贈周星譽

不材山木雁能鳴哀樂中年已飽更家有袞融皆我友考  
書上下總無聲江閒估客千帆過眼底浮雲萬里平閒與  
青鐙談往事道人少小是書生

夜坐柬贊侯敬夫稚楓

歇芳鷓鴣竟先鳴幾日登樓物候更繞樹華飛春有淚度  
江風定月無聲艱難吏隱容元亮蕉萃山游待尙平艸艸

詩六

五

我尤慚出處滔滔今亦是蒼生

送李君入京

激波如練照征衣日日妝樓柳絮飛作賦梁園曾跌宕上  
書漢闕有光輝十千酒美長安樂卅歲年強薄宦非儻遇  
荆高重問訊浮雲江介夢依稀

疇昔行答代州馮焯

龐眉京洛衣生塵高軒愈湜通殷勤葉

潤臣伯韓  
侍讀朱觀察王鶴

通許海秋起居狎槃敦一時大雅方扶輪君家魯翁接尊酒眞

氣噴作西山雲廿年奔走皮骨在杜甫未拜房公墳代馬  
踠蹏致千里有耳蚤熱君高文看持手版眉宇古箸書灑  
嶽松生鱗吁嗟名山走復出而我亦是菰蘆人執手差堪



數塵劫埃飛海上何紛紛滄海生桑那可說鏡中五月先  
飛雪老女雖無欲嫁情膏沐人間未忍絕相逢不免作文  
語白日舊照書堂色各持黠敝牛腰卷大楚弱曹通玉帛  
卅篇雜體終湯休君作詩云效復堂體坐見嬋媛莫雲碧皖公山前  
大有人六七文儒宦游客稚楓贊侯敬夫深人諸君巨公更有瑞安孫  
今臬使孫公舊接于京邸公鸞鳳戀香尋古柏使予回首望京華江國行  
吟感疇昔

絕句

老女愁蛾只自憐舞衣何處鬪嬋娟歸來阿母如相問廣  
袖長眉異昔年

點點林鴉拂曙琴楚天涼雨夾江深從渠水調無人聽彈

詩六

六

盡平生一片心

雨

廢瑟揜虛堂林葦雨萬行無將千里思併作四更涼不飲  
杯從淺求衣帶未忘江雲栖八表平陸正茫茫

將往白門莊子襄白岱樓太守胡稚楓趙敬甫刺史鄭湛  
侯陳邁甫大令同集江亭稚老賦詩寵行依韻酬之

夕陽金碧畫樓臺主客忘形託酒杯鬢景漸霜憐老大秋  
心和月出煙埃江山百戰今無恙風氣千年未盡開便與

諸君彈古調繞絃合有雨聲來

時正望雨

魚龍曼衍使人愁欲賦江城五日秋曾是倦游仍作客未  
成薄宦且登樓笑言不朽皆青史意氣中年愛白頭淮水

鍾山回首處煙波離緒黯難收

江閣月夜同敬夫贊侯

江晚上明月停空如不行流年青鏡換江閣縉風生懷古  
前朝水臨分客子情故園秋信蚤空外搗衣聲

長風沙

人言此是長風沙爭遣征夫不憶家二十出門過四十竟  
隨估客誤年華

阻風劉婆磯

別風如友朋暫欲留行旅荒磯日未西榜人息鳴榔初程  
亦不憂子生本多阻坐月戀宵涼葦根響疑雨

銅陵道中

詩六

七

碧天無際水長東笳鼓聲稀出大通荷葉洲前猶望雨銅  
官山下復愁風六朝消歇藏兵後五兩飄搖過客同曾聽  
使君歌楚調由來吏隱是文雄

舊令邢世銘子膺  
有文學武昌人

舟夜

荒荒楊柳岸明星何寂歷含悽正不眠鄰舟夜吹笛  
鳴蟬不可聽況乃無鳴蟬客心浩亾際獨枕曉涼天  
東南開運會五馬昔浮度荒江無異人聊傍租船住

望蠟磯

東下蕪湖櫂蠟磯枕亂流回潮家國淚落日廟門秋遠勢  
趨何極孤光炯未收靈絃淒蜀調神沛若爲留

自東梁山至采石



回瀾如雪下天門流宕江關劍氣昏白紵青山吟謝朓錦袍烏帽想開元簡書尙逐諸生後舟楫終酬造化恩形勝依然文物盡詞人何苦役精魂

題陳藍洲畫

蕭疏留與卷幰看深夜無人月滿闌今日秦淮如此樹風光好處是荒寒

金陵二首

鳳皇去千仞高臺迷處所江靈揚嬋媛結抱向誰語南國勢猶雄元氣亾今古爍幽賓日月洗甲揮風雨中興思將相仗節兼文武英安石公寥落東山墅飄搖石頭城蒼然倚平楚海國正多風爰居謝鍾鼓

詩六

八

鍾山翠陰陰從橫滿城闕旣抱龍虎氣亦慕仙靈窟人師僻夫子四載感此別從容忘世語流宕通蘊結今年走塵中奉袂仍倉卒同堂六七人枯菀兼存歿講坐副名山俗吏懷奇節終從何點游弟子今華髮

秦王旣淮水梁武復臺城帝王逝衰盛山川寄聲名南朝流水盡巖阜自青青故家孰王謝物望揚芳馨衣冠薄文采天地殊性情千秋送王氣一笑酬山靈西風從何來蕭蕭木末亭一飲建業水人遠秋冥冥

同僻慕淮飴澍兄弟登清涼山翠微亭

千尺凌蒼蒼山亭接淼茫人煙當晚聚塔勢與江長古色留殘照高歌滿建康烏衣兩年少雲起說家鄉

飛霞閣弔戴子高

閣外山如屏伴君四三年我行躡秋艸到君舊榻前須眉  
不可見雲物故嬾娟正坐讀書誤事事無世緣西風滿閣  
檻何能不淒然零落平生契言語徒自賢唐生

端甫

古外

友遺書爲君傳出門淮水西雪涕亦潺潺安得蔣山石奇  
骨與同堅

隨園

大好林亭付劫灰野華猶向墓前開承平清議容荒宴晚  
晚詩名掩吏才山冷難留閒步履艸衰誰識舊樓臺青袍  
正滿秦淮路幾輩英奇似夢咳

事見黃春谷集

試院對月呈勒按察

詩六

九

蔣山八月秋俯仰秦淮婉變平如掌似憐意氣隔重門坐  
見空階涼月上下土乾竭快雨澤多土泥涂苦搶攘明遠  
樓高指廣寒三霄御氣何森爽洗眼今無文字緣當頭祇  
有風雲想長吏衣冠揖巨公少年詞筆慚傳賞萬夫吟歎  
月有聲停空下作徘徊明纖阿卻恐有私照大江上下殊  
含姓中秋幾日千里共銀潢迢遞連鳳城銖衣飄雪思太  
清從兩青童吹玉笙洪崖子晉公舊侶下走亦夢浮邱生  
卽今看山拄手版猶憶掉罄羣公卿

明遠樓

書戟俛淮流袞衣一倚樓江天容閉置文字贈牢愁萬瓦  
烏栖晚三山虎氣浮攀援桂之樹心折此清秋



九日

無端束帶更佗鄉暫對風雲寄慚懷青鬢逢飛過四十白  
門柳晚又重陽魚龍天塹樓船罷烏鵲鍾山蹕路荒珍重  
茱萸報消息廿年人事幾津梁

絕句

桃葉渡頭十日居過江風色近何如真成我自來迎接不  
用雙鱗再寄書

秦淮雜詩

淮水西頭華作泥雜鳴球上艸萋萋平生未飲心先醉殘  
月出門烏夜啼

揚州明月照兒家十三學得箏琵琶勸郎且酌鬱金酒看

詩六

十

儂似菖蒲葦

日煖高秋似冶春玉琴絃柱欲生塵通侯第宅閒歌舞江  
上重來卜道人

荒宮何處聽秋鷺日日西風滿石城更無楊柳堪攀折明  
發渡江何限情

寄襄男和州

姓雪江水關陵陽發浩唱王孫行已久綠艸忽復長西笑  
違故人南雲共塵鞅落落方寸心深鑑夢疇曩

題贊侯停雲圖卽送其之官太湖

廿載關河夢東西南北身停雲同有作舊雨更何人耆好  
老都減交期遠始真江皋仍賦別風月念相親

詩七

復堂類集二

秋山

秋山重掩雲不齊犖犖确确田閒泥筍將回曲七十里斜  
照已拂西山西我生江湖狎舟楫亦復學御輕輪蹏閩游  
七載厭輿致隨彼腰腳相昂低行田黃雲纔罷割叱犂翻  
土重扶犁連車囊米入城糶頰肩語笑顏色驚客飯含沙  
嚼復嚼官人便欲齒肉糜力穡未免飽康覈土養焉能斷  
稗穉今年世事不可說旱則蝗螟水魚鼈譌言憎憎占人  
疴奔走相看失鬢髮囁喘耳語道坤毳日中睽睽星光發  
江淮之間尤浮輕伯有魂驚事荒忽物淵地大無不容見  
覘未燭夔魑滅海中皇惑平陸棲鳥言竟爾人人悅羣公

詩七

鼎鼎扶九州岳牧義和紛在列俗吏書生莫嘆嗟簡書畏  
爾清霜節

澗山覽古

金冠銷沈玉弓闕無復尋陽射蛟至切雲澗嶽高崔嵬想  
象于官羅拜地武皇功成四夷服中國百靈參位置南巡  
遺蹟今古同先代規模子孫異君不見武皇在日疑神仙  
控御衛霍親開邊弘羊卜式鑿利孔丞相布被惡能賢赤  
眉去後黃巾來譎言世有蒼黃天江聲漢代流不盡輪臺  
一詔心茫然嶽靈變滅歸何處歷歷江山感塵土四子難  
尋樂職詩大人自廢資郎賦

後望嶽



敬曰望岱以來二十年矣嬋媛匪昔突兀依然束帶卑官  
不由推擇中年哀樂何以寫之瞻彼濤嶽茹辛以吟

射蛟事遠古臺空彈壓江流日向東掌故難求漢家臘圖  
經猶識大山宮衣冠笥冷非霜雪艸木春荒襟雨風楚尾  
吳頭幾千里遠教衡華謝神功

行經太湖贈鄭大令

司空山頭雲氣薄綯染松杉隱樓閣曉對秋嵐坐畫諾如  
此作吏良不惡鄭侯文章與子友求古治術相先後苦雨  
深鑿密論時冠裳腥腐夫何有晉熙作宰行判年無月無  
書滿榻前于爲于曲復傳唱我識紫芝行自賢山行忽覩  
水竹勝場功處處田如鏡迎人幽壑觸鄉心悅爾柯亭翠

詩七

二

相暎陶令籬邊鞠有華西風落葉停客車不知涼月滿襟  
帶但覺秋水涵官衙殷憂無酒醉莫解試割求雞刀未差  
土風吳楚偶輕劑民氣東南襍疹癢一官仍爲漆室女世  
事猥多莫浪語通塞平陂尙有人柔剛文質從渠許疏寮  
露氣偏裳衣時節衰榮兩不違華髮自然憐晚晚青天與  
子相然疑

宿松縣廨中秋

宿松令黃傳壽溥之爲少  
司寇謝齋先生爵滋孫

宣宗皇帝御宇承平時宜黃鴻臚一疏陳漏卮海日出入  
繞巨筆元氣掣曳何淋漓

天朝神斷下如電其柰四岳非和義魚龍曼衍已卅載稔  
毒九服民殿屎蠱尾遂成四支疴蝘孔乃潰千金隄薪徙

不徒突不曲坐中焦爛今爲誰江城秋節至葭靑露未喻  
耿耿愚賢心涼冷求裳衣黃公孫子今茂宰清門養節由  
含飴滔滔江湖夢舟楫鬱鬱鼎鉉間扶持塵尾落梭風雨  
歇不覺白月涼前墀月中露下被蕙艸委波照席秋依依  
中宵循檐斗西拂獨指斜漢攀空枝羣星厯落忽欲闔浮  
雲變滅復不齊對酒不能飲對月使人悲金樞日遙遠玉  
繩且透迤八萬戶中空荷斧九千仞外終無梯羽扇一賦  
久零落金鏡再獻無時期謂林文忠公男兒致身何必盡三事  
焉得古人復起當安危

月下望廬山

南斗峒峒映月看匡廬長浸水晶盤振衣未躡香爐頂已

詩七

三

覺宵中萬頃寒

江邨曉起望小孤山

婉孌娥池水裴回玉女容緒風吹日出夢雨洗塵封峽秀  
孤標似門縣萬楫從通辭波渺渺拂曙景重重戰伐當前  
日中流倚此峰銖衣儷仙跡石室勒功宗煙亂橋間鳥簫  
疑海上龍沈吟天設塹獨立寺聞鐘

襟曲效江總

茱萸結佩蕙爲纒燕燕接翅白玉堂雲飛雨散在遠方三  
春柳枝無故芳中有佳人帶明月三五二八倚瑤瑟天上  
長河曉自沈海中蓬島尋還沒入門左顧駕行羅鏡中離  
淚橫素波衣裳金翠有時有鞦韆馬塵埃多復多掩閨獨處



嬋娟子博山無復雙煙起行人任爾脫幘頭足下由來戀鄉里

脫釵贈別今三年桃枝當窗發新妍曲池水流流不盡高臺雲行行可憐可惜可憐歲晚晚芳華蕉萃向林邊分甘枯株倚霜雪無復新蕊交釵鈿房櫳寂寞烏頭白新管調鹽歌昔昔門外班驩待故人筵前華燭留今夕阿誰工用睢陽彊春風何在少年場他家篋篋未成曲滿路車馬自生光無媒安用雙白璧獨夜尙熱鬱金香

星沈月沒漏聲咽當機繅絲絲不絕深井投火無暫明寒女縫裳忍休息摘髮欲繫千里雲內熱猶思六月雪岵亭山上結松枝青青共爾霜秋節佳人貽我貂襜褕何以報

詩七

四

之大秦珠年少曾當逢眊眊夢中且復共斯須霧露縱使  
不分明清池自發荷夫渠

和神國行

太平廣記三百八十三

枕蛟騎虎焦原側吾患有身辭不得鄒衍空談大九州元之親到和神國和神國與醉鄉通于日中山訝許逢碧山處處入圖畫瑤林日日當春風鸞鳥自歌鳳鳥舞神駒蹀躞香塵步醺醺閒噴泉水香稻梁不識耕夫苦但有醉飽無別離長託歡娛永勿衰亦有鬢眉長孫子老去仙蹤人不知二男二女各年少裴回花果皆新妙千官袍笏忘卑尊一家婢僕誰傳導困倉不設無市塵千門萬戶皆安便夜來微雨灑芳潤若榴繁綴爭丹妍不事詩書解歌詠飲

食自然無疾病想當無夢本無思鹿鬢觸離觀聽安禪  
試訪單越天高士規往桃華源坐中干夫感斯異愚公智  
寔皆無言幾年清淺蓬萊水幾人雪鬢雙垂耳未知當日  
筆頭公莫年憶否知和子

山行

嵐浮空翠指初程山抱池陽送我行秋蝶如春方弄煖曉  
雅過雨又呼晴賢愚局外遠巡識憂樂宵中卽漸生昨夜  
茅檐雲乍斂月痕的的向人明

登大洪嶺

崑崙刺天出疊翠爲表裏何意千百折拂拂襟裏底飛洪  
百道散敲玉無首尾辛苦出人閒萬濁待此水繕性山靈  
招矜類僕夫瘁槃槃重累人未可狎行李二分足外垂裘  
險在尺咫坦坦恃吾心惕惕慎所履其顛望仙亭羣渴得  
茗喜稍息醉飽心復掩囂塵耳下視更陡絕投石食頃止  
未能投簪隱恐泥垂堂理一勞絕萬念空谷想子美

漁亭中秋

一年京國中秋夜綺席金波開舞榭一年鐘院作中秋玉  
宇高寒明遠樓一年坐對松滋令蟾輝下照琴絲靜今年  
吏檄趣之官漁亭大橋煙月寬四載中秋地四易風光應  
笑勞勞客由來白露戒裳衣未免華顛感疇昔新安山水  
綯天都巖壑青蒼萬玉膚林亭侈剝風非古華樹芳馨氣  
不枯二十年前競笳鼓市兒猶識從軍苦猿鶴沙蟲弔國



殤子遺幾輩留田父縱金伐鼓走兒童  
盞月元宵訝許同  
山戶如雲茶筍美秋場似鏡稻梁豐  
黦歛之間民氣好  
令長羸官休艸艸敢放黃紬被底  
衙愧渠白髮林閒  
老林閒一老前致詞官今邗及承  
平時樓臺煙火十萬戶昌丰直  
下錢江湄錢唐江是吾鄉水源從  
軒后仙臺起去國懷鄉  
迴自憐繭絲保障從今始今宵明  
月多復多勞人面皺怯  
觀河年過四十且五十不早樹立  
將如何

弔徐鐵孫觀察

兵豈書生事公休怨老儒  
嗚雅疑故壘敗壁尙軍符  
慘澹人俱化艱危氣未蘇  
遺篇五更轉問訊羽林孤

送陳閩甫入都

詩七

六

我觀新安江君才如此清君上黃金臺  
我昔歌帝京帝京迢遞三千里  
河嶽回縈懷裏底鳳閣龍樓望若雲  
朱輪繡轂馳如砥雄冠跌宕如君年  
長揖公卿幾輩賢銷沈心力荆山璞  
流落江湖寶劍篇廿年日月回輪曜  
儒冠幾被樵夫笑老我難忘伏櫪心  
人間合有飛黃阜吏道多端不可知  
劇憐簿領有程期煙霜南國歇  
搖艸悵悵天涯贈可離出門人說長  
安樂士龍合造酬鳴鶴述職如陳薦  
士書何須更詭胡琴約

述職謂馬佳方伯胡琴陳伯玉事

登太白樓寄湛侯

不逢呼酒侶奚以快登臨  
白也思顏色黃山無古今  
伊子非俊物挂笏愧秋林  
安得鳴橈發冷汀寫此心

新安江

羣峰紫翠浮若空眾鳥點點栖屏風  
激江無恙清澈底不見古人見  
流水舟師倚楫行忘勞珠寒練  
溼來招招中流一放可百里夕  
陽拂樹巖灘高游鱗無事驚冠  
蓋西風窈窕吹蘿帶聽盡吳吟  
復越吟秋心迥出黟山外

和贊侯

霜風被艸滿山隅斂袞輕寒似獨居  
問俗自知無一善讀書竟爾負  
三餘鷓鴣同受雲間嚇螟蟻休侵  
石畔畚耒帶疏慵曾不悔大裘欲  
覆卻慚予

婦言

遇物存知足竭來山中居山中仕  
非隱意澹不求餘貧賤

詩七

七

結大義教頗聞詩書兒女無恆母  
彼岷心亦如出柵非所知但冀官  
仍儒官事雖多方儒念守一迂去  
來祇故我此卽爲身圖無聲皓已  
絜寒雪盈前除卿言亦復佳歲晚  
心勿渝

休甯道中大雪

長天垂四際塔勢凌寒山誰將萬  
珠玉灑落徧人間松杉成行冰  
釵綴一一似繫千螺鬢山禽啁  
啞毛羽薄尋煙取暖翔市闌人  
家塞向坐婦子地鑪楫柵紅且  
然野夫畏冷不入郭人吏侵曉  
方行田一從簡書習奔走但愧  
無補人飢辱黃山白嶽宅神仙  
高歌欲拍容成肩陽春兮當還  
白雪兮盈巒寒江不波碧潺湲  
竹枝凍折行臆前安得干邨



夜犬不吠晨高眠

雪夜示休甯曹宰

春色盼登臺逢君說楚材雪深榮菽麥耳熱借尊罍白嶽

寒無語青鐙華欲開所思黃溥之與鄭湛侯南北阻追陪

絕句

蔡州深夜軍聲壯趙相高堂御酒斟一樣漫漫風雪裏山

齋凍坼壁閒琴

溪渡

拄笏謝登臨疇知勞者心春情隨鳥換山氣入流溪憔悴

故鄉思低回擊楫吟浮雲朝日澹空色似蕭森

太函樓感寓

徵縣官寺新成後樓面太函山故名

詩七

八

山中日色薄春夏多淫霖岑樓不盈丈虛牖納遠心三晉  
流亾多勺水亾蹶浴湯季復司運執策書桑林析骸作糜  
飲飲罷仍釜鬻中州帝王都于野戰丁壬魃女一以舞軒  
宮輟皇琴子遺安可移移粟道峘嶽側聞雨師仁尺澤踰  
尺金絕無耨耜手奚以謀耕溪晨炊坐持冷溝瘠聞呻吟  
安能吐吾哺庭階食飢禽

仰視日月光兵氣銷亾際回鶻無恆驕鐵衣一已敝秦川  
滌凱歌關隴清宇彗有道四夷守一氣百禽制景風隊典  
修將星九霄麗時乎幕府材戰守傳籌計楫之以烝徒貂  
蟬映退裔方召前日事赫赫照書契金甌洗何胡玉門夕  
無關上相儻調燮通侯復環衛饜饋天下息軍期幾年歲

嗚呼朝運斤涕絕思郢人同林俄苑枯獨樹終不春交道  
日以孤莊生竟沈淪素車不能馳三號我非秦攻錯兩無  
施名實一爲賓皖山揮手去江雲黯離津束筍牀頭書從  
茲斷音塵公等滿天下支離遂無身星實不上天華落匪  
墮茵況復彳尙白何能火傳薪今者吾喪我卮言孰非眞  
吏人不可爲一是憂一錯吏人亦可爲在官貧亦樂領阻  
風氣僂昔富今寡弱擾馴比子弟自顧父兄惡薄植非連  
林鳥雀將安託未能相响沫差不加椎鑿斂抑坐堂皇喜  
愠審前卻書幸有麥禾人食仍藜藿奢儉方代謝禮義與  
斟酌冷泠新安江見底尙如昨孺子歌濯纓遺響何寂寞  
家山山鳥嘯一水下嚴陵念昔撥權游客子中夜興冠季

詩七

九

狎舟車南北涉且登千秋此何世欣槩填吾膺一從干戈  
息外以竟陳陳結言寡親申我畏眇友朋墓田丙舍遠霜  
露氣有恆餘生向中年哀樂日侵凌扶闌目巖際秋厓勢  
峻嶒雲容向人閒欲擊似不勝出山隨天風風止還清激  
不爲太清翳子雨非殊能

世遠事已多文章涂徑斲持之各有故契道在忘言已知  
弃枝葉卽漸窮本原風雲納閔宇日月鄰峻垣羣蟲各鳴  
游獨翻一飛拚無盡亦有盡太空與渾渾霓裳與雲車下  
上周亾垠歸來坐斗室寂若失攀援周孔益多師儒墨定  
一尊達辭歸有用至理守長存器車當其無眾有反吾根  
雲月與嬋媛昔昔感未歇僊飯想青精曉鏡憐素髮霄空



雲作暑息景栖林樾露晨洞庭遙參差幾時發所忠明月  
輝三五隨盈闕關山迷津梁夢弱難可越馨香念不違芳  
蘭俱馥醇在谷雖透迤當門奚覩晚所持方寸通引緒亾  
倉卒庭虛何情滿相望車塵沒皓首倘所期金石鍊肌骨  
微吟畔牢愁鑿遠猶荒忽

重有感

立秋前夕  
哀莊中白

長河揮與淚痕溪流水無情已碎琴七月送君舟徑去三  
秋感逝漏初沈星期斜漢虛天路月色空梁誤夢尋燕市  
酒人餘我在山陽鄰笛爲誰吟

汎新安江暫歸杭州五首

耳熟漁梁水鄉心夜夜縣曉揮人吏散風味故蕭然巖壑

詩七

十

青紅路雲霞去住緣曰歸仍汎宅息景是何季

微煖作霜晨冷江樂榜人問涂仍磨螳悅性此淵鱗林密  
迎孤嘯風多閭去津釣臺高自昔不厭往來塵  
海客卅年游雲濤有滯雷美人尋蕙艸故國老松楸壯闊  
心非阻適回渚正修羨魚知結網歌起隔谿舟

遠念天災久爭傳請振書尙窺餅有粟敢比釜生魚水束

寒林翠山圍客枕虛劒峰鳴鼓後父老意何如

初稟水畢  
桑經注山

猶言  
壘餘

依散富春樹溪夜上寒潮華髮臨流換青山別夢遙燕鴻  
天路代冰雪故人招竝有新知感揮絃與寂寥

月下

月下天門紫翠重，涉江昔夢冷芙蓉。金波拂水凌雙照，玉  
樹先秋絢此峰。雲漢雅詩憂六月，萊田民力瘁三農。一舟  
檣楫從人理，傲吏休矜拄笏容。

過太平贈沈太守

姑熟谿流碧，晴煙接古城。呼騶賢太守，披帙老書生。烏帽  
人何在，青山夢與清。宵分牛渚月，不落爲歌聲。

夜泊采石

但有青天無酒杯，桓溫謝尚總塵埃。江流千頃明如玉，夜  
夜南朝月色來。

三山二水歌

世無李青蓮，誰吟鳳皇臺。羣山散作紫翠色，翩如五馬浮

詩七

十一

江來白日遙，隨布帆落清風。乍卷浮雲開虎踞，龍蟠雄兩  
戒。倒景酒杯酌奇快，北海南皮幾勝游。黃鱸未必無流輩，  
滄海三栽桑麻姑。仍狡獪荒宮有曉鴛，觸處迷人代沙棠。  
之楫木蘭燒羅衷，美人簾下招簾波。新水動華氣，風光何  
處非南朝。一兩三聲沙嫩簫，十步五步舫船邀雲容。忽如  
夢疊鼓，隨回颺。聞說江山迷蔓艸，巨手曾經六合埽。飛鳥  
銜來戰壘華英雄，笑倚魚竿老幾日。西風萬里煠異鷹，立  
處閒眸爪伊子。彭澤琴無絃，朝來拄笏心悠然。亦知非驥  
足千里，尚能前祇愧不能飲。何由中聖賢，牀頭周易豈名  
士。鏡中白髮非少年，宦游武帝臺。故鄉文種水，舫蛟樓船  
弔莫雲。白馬波濤薦芳芷，吟徧齊梁樂府詩。停舟愛問長



千里君不見秦淮蕩作錦繡文又不見清涼山頭多白雲  
何點講堂好風日頗有絲竹生徒間全椒新篇寄道士霸  
陵中夜逢將軍當頭有明月乘風高處金銀闕日飲酒  
何琵琶送客顰青蛾試將萬古千秋意譜入三山二水歌  
舟行九章 自江甯至全椒  
客從建康來衷拂鍾山雲箏琶弄絳響歌聲猶可聞廢箸  
對梁肉吾思晉饑民

青山送六朝裙屐傳名士讀書不聞道萬言一杯水知味  
病且飢無爲馬肝美

榆柳自成邨家家被雞豚田父不入市頗知天地恩牀頭  
麥已盡租吏猶打門

詩七

十三

明月大於盤萬綠明江樹妻兒聚一舟況瘁忘行路卷中  
邨州詩夙昔傷心句

六合古棠邑兵至如鐵堅溫公何忼慨烈士誰比肩掩涕  
問遺老時平將廿年

榜人攀艸語墟里修篁色拂水緒風柔出樹炊煙直曉星  
猶在天涼意披帷得

一官抗塵俗尺寸難自閒念彼父老意不改詩書顏言尋  
一道士雲白全椒山

飲江味一清義舸載萬斛山中百重泉奔走趨所蓄珍重  
彈冠心今日吾新沐

羣峰送飛雨陰陰木千章微波瓦梁水夕照明山桑桔棹

聲稍息孺子歌滄浪

絕句

熹微曙光發露氣稻香來  
媿婦猶蓬髮枯槁聲已催

滁山

鬱鬱滁山路何心訪醉翁  
霜餘無冶葉至後有和風  
漢落卮言出貧辛往轍同  
亦知慚十駕努力道涂中

行縣作

我數行縣周四郊寒風颯  
颯長林梢三旬不雨囊水  
縮土由乾坼堆塘坳徒杠  
輿梁各廢斲乘輿功用同  
縣匏江山風氣頗樸遯聞  
咎列郡雄南譙衣冠媿雅  
成往事笳鼓殷盛思前朝  
南瞻鍾阜可攀接廬霍遠  
矣疇能招環滁之山

詩七

七

列粉障繇霜晨未凌寒消  
卽今歲惡老農苦穀賤不  
敵麥價高上集歸來掩屋  
歎顏色黯似三重茅嗟嗟  
催科亦吏責忍用釐撻接  
脂膏昨題陶潛詠貧士驅  
車勿使逢陽橋忍飢誦經  
者誰子願養名節千雲霄  
四方故人書問至諒子近  
政襍頌嘲作吏循常無可  
道此事未廢栖書巢裁詩  
欲寄古道士惟我無酒持  
空瓢他年賢否無位置更  
僕孰數譚全椒

冬興

出門凜朔氣井里此嚴冬  
百昌亦云盡所思後彫松  
寒風一以淒使我心焉忡  
雲行依故山天路各相從  
寄之澹蕩心曠若游鴻蒙  
時至襄與肅飭氣栖之宮



牽馬照路旁，俠少顏如玉。何知魯連生，當年自結束。遂遁華髮盈，盛氣不可復。斂手把鋤犁，鳥雀閒相逐。分無隴畔歎，尚有岐塗哭。眼光牛背上，低頭事農牧。

寒華號水仙，方之洛川神。馨香不自薦，白石何粼粼。几席雖近翫，桃李安足珍。黛色參天長，檜柏復輪囷。凌寒葆吾分，小大各天真。鑿冰出雙鯉，緘辭寄佳人。

荒荒海氣昏，聖欲九夷居。不知空桐仁，揃爪當僂膚。息管樓船將，大角星辰孤。摧敵占大白，遺書待黃石。西征幾何年，景風誓陝伯。會當收井田，箕子舊阡陌。

詩八

復堂類集二

得陶子珍湖南書

楚天迢遞此征鴻  
沉澧啟波語乍通  
郢客有歌皆白雪  
使車何地不春風  
襄回芳樹人千里  
夙管緇塵酒一中  
落日浮雲看不見  
高山流水幾時同

春雪

雪霰連朝集遲遲  
不見春已過蠶麥日  
恐有凍飢人華柳  
遑芳賞風雲問去津  
更憐魚陟後海氣莫沈淪

渡和州後河

又照蕭疏景征衣  
渡口看山容新雨善  
煠色過江寒篔有  
齊紉悶晨猶藥椀  
滄通辭云不隔是處動  
欸瀾

詩八

八月

酒徒燕市散荆高  
故國際違八月濤  
拙宦益慮貧土樂中  
年漸歇出門勞  
飛騰偃蹇騎魚晚  
意氣逡巡倚劍豪  
眼底青山仍未隱  
鏡中白髮不禁搔

答郭傳璞

流水有本末  
尔正息肥泉  
春波散四澤  
春風浮一山  
琴緒彈別離  
目想存斯人  
懷極如不勝  
幽默尋其原  
太一與神光  
飛遞謙益賢  
陵阪不可越  
溪相不可披  
一失同堂歡  
修阻何由達  
縣知烈士莫如我  
飄華髮  
簪簪入君簾  
寒歲其稂褐  
惟音之嗟  
嗟離鳥  
息故條  
風雨感君子  
平生言  
久要四海與往來  
何論千里遙  
晨雲化夕水  
舉手一相招



題馮笠尉屯谿詩卷

馮君真吏隱挂笏向名山晚歲祇好道近來時閉關江天  
收物色文字慰蕭閒寄語鷗波趙微吟孰往還陽湖趙敬夫筓權屯谿

谿

顧子鵬寒林獨步圖

宋竄淮流尙氏秦寒林負手獨吟身無多黃葉古今水如  
此青山醒醉人

送鄭湛侯之黔

苑枯人事苦難分木葉聲中又送君尊酒寒於皖公水征  
衣薄似夷郎雲邇方憂養勤爲吏結習銷除猷論文試向冰  
霜巖壑裏貞萋不改念同羣

詩八

二

月當頭夕和笠尉

百年幾見月當頭歲暮回車得小休逆旅每多風雨夕清  
尊共散古今愁千絲入鏡隨年換萬瓦飛霜與目謀何處  
天涯同滅燭餘輝何爲酒人畱

幽栖和笠尉

遂有消搖旨沈吟傲吏書夢中人似蝶濠上水知魚命酒  
春風換相恩落木疏幽栖堪埽軌歲晚尙愁予

雪夾寄世善百先太原並柬陳閨甫

滅燭客出門閒階顧人景書堂散高輝寒色動深警停雪  
猶在樹數月挂檐炯縣知天一涯共此虛明境朔鴈過曾  
霄卻寄縈心冷牀頭有尺書離心浩難整羣有分一照抱

宋聊自省關河足煙霜枕席通溟滓春風萬里來馨芳有  
合并琴歌期和女塵壁方孤迥

贈桂林倪鴻

藉甚倪夫子龍鸞萬里翔老猶客江海少已友班楊雪色  
南山古離蕙艸芳停雲愍故舊八表正茫茫

寄湛侯

故國別巫楊春風度夜郎羣谿趨犖犖遠岫拂青蒼離索  
中年夢惡虞學道方平生同拙宦贈處尙無忘

送彭廣鍾出關

華光四照海天游會倚三山散古慙雄劍忽鳴風萬里漢  
關猶對月千秋未隨李郭中興將不數金張小子侯獨有

詩八

故人尊酒別河梁離緒黯難收

三

柬王秀峰

拂衷江湖任所之巫竿老作釣魚師鬢新欲雪書俱老氣  
尙如雲醉始知講授古人猶馬肆兒曹何處覓牛醫功名  
一笑推杯起畫上凌煙只有詩

義士行書張炳元傳後

班超布衣一諸生奇功三十六人成奇功絕域尙可立胡  
乃義士讖名城誰與男子張應庚宛轉虎口募棘荆翻城  
反正再三試雲作外氣鼓外聲氣經百折不少挫事敗狂  
寇魂猶驚是時大帥亦雄桀艱難百戰揚麾旌一念持重  
事機失坐甲遂老十萬兵西風秦淮艸不青漢月猶照將



軍營卅年高歌洗兵馬來弔國殤何不平伊子悲歌向燕  
市田生玉梅握手濁酒傾奇聞涕淚述同志烈士骨相終  
徇名辱哉降官亦男子朽骨遺臭迷從橫至今五夷蔣山  
上義士精氣爲列星

送漢軍裕庚朔西觀察北行作涼風篇

涼風激水何紛紛蛟蚪罷舞江天昏輕舟待發客衣薄鐘  
鳴落葉不可聞廿年公府多陳跡蒼白浮雲照顏色大木  
何曾誤運斤回鸞屢欲摧奇翻年來止酒冒餽糟萬事醒  
醉隨所遭長天寥廓本無盡虞者藪澤毋乃勞文雄飛檄  
資開濟杜陵蚤雪惡時涕三宿尙戀浮屠桑一醕猶陳穆  
生醴當天日出望京樓魏闕江湖未白頭功名行見志萬

詩八

四

里文字先已凌千煠人事參商不相見國僑未識然明面  
遠想由來衰性情卑栖祇合安窮賤白蘋騁望吹參差雲  
中不下長相思鞠芳蘭秀自且暮歲晚淹留桂樹枝

寄皖南觀察張大夫

高空何山雲裴回麗曾霄浩蕩此江水溯游動輕橈飛潛  
有本性上下隨所遭一從嬰世事谷隴騰詼嘲何當就曠  
朗奚至鳴譁囂君子穆惠音擊轅知中韶緜會采靡遺武  
也方播蠶一心鑿止水百味歸醪醪涼煠起萬里風雨猶  
瀟瀟匪敢猷卑栖勿乃悔特操淹留非山中桂樹恩故條  
長鳴擬何爲寄心茲九臯

天人有至理脈脈觀其通龍蛇遂起陸消息閔茲窮蕩析

浮萬家字靈拜羣公分無百里責蒿目徒忡忡立國在仁  
賢本富先耕農沃瘠可一視悔禍歌婁豐不見三晉菑七  
載閭井空安堵甘立槁禮義守空侗殿屎古所歎膏澤亦  
云充縣知利濟懷煩疴若在躬臨江有高閣秋覽動西風  
民物一以盈末由解心春

江上

大地隨輪激空江拂浪平無窮沙際鴈一一送宵征澧浦  
湘君佩瑤山子晉笙九天如可上願學慧爲矜

南陵舟中

安得沙頭雙玉餅枕舷山作黛眉青喬林葉落尋常事願  
向林閒醉不醒

詩八

五

安吳道中

丹氣化雲雲不回陵陽仙人安在哉一重一掩舊游處山  
鳥銜華飛不去潛蛟一舞不可當激谿崩壑驚雷碾桑田  
果自今年變荒唐不待麻姑見瀉嶽相隣萬戶空來鴻處  
處咽秋風安得仙人施大藥盡回捐瘠起溝中

旌德官舍感悼故尹廖洪翌春舫

黃山吾故人奇峰三百丈披煙指其背復擎飛鳧狀人閒  
王喬烏語笑恩疇曩無端下玉棺哀樂俱成往念此猷世  
羅澤雉神不王名聲復何益三壑竟虛賞使君方妙年  
鞠淪謫丹霄上飢溺盈斯懷趨走非所尙清霜集瑤林物  
色各殊象貞萋有恆性于役寄遐想



山行

征袍拂曙識津程三日羣山管送迎風鴈散寒初變響露  
華小豔不知名勞生安得居常逸險處還畱心太平如玉  
谿流重問渡寒蘆點鬢最分明

暮雨

復此雨聲江湖舊感生銓昏羅帳底不是此時情  
西風爲儂來送此蕭蕭雨明發峭輕帆模糊煙岸語

晚霞

江上年年變晚霞霞邊三五野人家春情已罷灰心老客  
路依然負鞠華

舟曙觀彗星

詩八

六

太史星占亭頻年不絕書泰階平若一黃閣近何如蝘穴  
疑多象鯨波昨掃除客舟搔髮短夜氣警龍魚

晚秋客路尙有蟬聲夜復聞畫感賦二絕

日日秋風警舊栖林閒無樹不淒淒眼前尙有閒榆柳容  
爾殘蟬抱葉嘯

木葉散霜月滿街清寒湖曲尙鳴鳧五行信有田家識閣

閣聲多聽易差

池上題襟小集

會者代州馮筮尉桐城方柏堂祥符  
周濂人桐城方濂榜任邱邊卓存

江皋雨無塵微和澹餘春遲遲送物色古古禪茲辰昨日  
枝上華今成艸間茵薄醪試斟酌池水照鄰鄰淺深當自  
適觴行各天真白髮方祭酒散言遺冠巾光景近可摩文

字傳其人相期慎眠食善化閩海姓當塗唐子愉疾作相望恩舟輪懷江

夏 滫侯

次日滫侯至自黔遂有晉游

夢阻高張路俄驚客在門開關辭黑水壘塊借青尊自爾

憐同調終焉念舊恩已違池上酌相送又江輪

池上迎秋

明河脈脈度高城天末無書待鴈聲江上秋心先七夕池

邊雨氣欲三更劍室少年懷古淚衣柳遲暮美人情諸君

說有談空日月運雲移各半生

重九後一日胡稚楓壽華吟館分韻得佳字

日夕朝市中何能有好懷慙爾柴吾門古心浩亾涯秋華

詩八

色若芝風香與之偕龐眉綺里季獨客安心齋繫從先生

後適然曠形骸不飲固天性得酒亦復佳吾真祇一拙與

世庶無乖目笑籬落聞八荒卽庭階所期汗漫游送者方

自厓

送管才未池上第三集

林笛聲中無限情名家俠少二毛生向平自有青山願江

上煙霜又送行

縱陽江行稟合肥沈釣無爲吳毓驥

枯艸飛雅路凋年又此行水寒猶過牖日落似依城裏有

驚人句江流異代聲何時攜二妙澤畔看春生

題方滌儕清水歸舟圖池上第四集



君不見南陽樊鄧多貴人秋風早與蓬蒿親又不見下游  
漢沔錐刀集日暮空揚大道塵先生仕宦不得進古懷浩  
蕩無與鄰車前走羸卒路左拜瘠民霏衣之章正惕息散  
衙豪客酣車茵拜迎鞭撻兩無謂歸田一賦休遼巡家山  
頗羨隱士隱隴畔自頌神君神曾懷不行文網密松楸無  
恙煙霞新峩峩奚所有鬱林之石何輪囷百城萬卷書還  
我丹鉛身黃童白髮走相送板橋水注寒潏潏英雄豎子  
古恆有蕪蕪亭空艸不春文章結習自料理一官一集超  
常倫龍眠之山高嶙峋清門七葉儒書陳中年哀樂託枵  
酒旨與人世同甘辛甘辛有殊嗜出處隨天真輕舟詣闕  
人何在便作司徒安足珍

詩八

八

贈方存之甲申元日作

冰泮未春熙焉已和芸芸者生樂意匪多閒乎通介中行  
殊科晨攬浮雲夕月易過河干寘輪水曲則耶

展矣君子交澹若水壑有歸流淳焉鑿止犖犖者石介不  
忘履陳陳者粟飢不忘旨幸甚至哉百終一始

終始伊何五三六經飄罔在歧輒闕在庭冷江不波散之  
春星帝開明堂洞焉百靈蕃洩羣有匪期汗青

納于瀛勃不治羣叢息壤無靈疏鑿乃廢神州宴如斟若  
外內源可濫觴朔日繼晦謀束于成霸乎善貸

變彼鳴烏栖于新條求蔭伊柏匪求斯君陳榘搏搏濯秀  
且翹斂笙鼓簧君子由敖我末君柄小大所遭

池上第五集

翩何者鳥俶發其音嬰茲春陽曰有和風疇咎清歌游于  
息心歸與獨絃若聞于林君子倡子聲無二三命此芳體  
胡爲沈吟榮落自彼遙遙至今衣裳在堂慨笑相尋流水  
以悠忘我欽欽

方氏五世遺墨卷子

存焉爲道德發之則文章大茲忠孝人耿矣日月光日月  
雖代謝作述千秋長斗霄地纒嶽瞻此龍眠方未造與  
熙朝君子道其常仁言流溥澤聰聽繼冒堂翰墨如片羽  
慈孫瑤收臧檀麝雖尺寸久久日芬芳夸毗固退屏穴隙  
匿散芒四出瀛勃流一本松檜蒼至今雲仍董葉葉衍厥

詩八

九

祥庭聞卽經訓私淑非邑鄉吾師藥地超蘭幽吐奇香消  
搖物外游下眎皆榆枋

鍾祥胡先生倚樓看鏡圖

三月鶯華又莫春百年師友屬何人名山珍重傳孫子者  
舊依稀見性眞日飲此中惟有酒風流世願爲鄰行藏  
勳業皆駢拇白石清泉是化身

世間祇見萬波隨造化無端作小兒鏡裏有華春黯黯樓  
頭今月去遲遲往來柳雪人先老細碎恩讐劍不知信史  
尙畱游俠傳壯夫莫作女郎詩

廣志詩 舊作補錄

宋寥人境輒與天游千齡旦暮一室商周如何螻蛄亦有



春煠逝者如斯視彼川流其一爵蛤鷹鳩吾生不化達者莊

吟聖乎孔謝炳燭有明耿茲長夜粲粲百王巨俟取舍其二

相彼散禽猶凌毛羽力運千鈞身莫能舉克剛克柔有倫

有緒曠乎沒世執念規矩其三坐忘坐馳同此暇逸作聖作

狂爭此一日琴瑟須材求彼梓漆踵事增華文有其質四

羣魚縱壑眾鳥翔林紛華戰道詭遇獲禽安得止水盟此

激心天機胡淺者欲胡深五高標天宇穆穆舒雲浩邈太

空翹首至文聽德在聰力學惟勤久而自然寤寐良殷六

握彼寸膠大河曷清翳彼兩葉泰山曷冥高由簣覆進侯

科盈安吾故步退彼虛聲七釀孰酒清絃調聲起温故知

新慎終如始璞玉駉輝巧匠斯理駉馬十駕亦致千里八

詩八

十

知者見知仁者見仁願爲延埴獨轉陶鈞與古爲徒千載

如新世有愚公我師其人其九

江行稌題自懷甯至合肥作

十載元龍氣銷沈籟領閒風從襟袞出日日拂龍山

今古浮江水何人擊楫來浪華與雲葉長傍客舟開

江上餘霞色天空盪繡文短簫長笛起舊曲幾時聞

妻子如漚鳥風帆閱歲年日斜方縱目不覺沒蒼烟

落日下牛羊榆邨樹幾行無人記來往前路一蒼茫

離亭筑一鳴忽復變軍聲江海此揮手故人方遠征

柳色隔江多縣縣柰爾何六朝人事盡古意滿煙蘿

樵僮同去蹤車笠忘世語脈脈故人心濛濛渡江雨

老麥空濛趣隣渠去鳥頻臨流兮鬢景珍重少年人  
傲吏非吾事忘機不可求相恩古賢達目送此江流  
紈扇誤不生班姬賦未成銅官山下路一枕夢妖清  
畱醉過芳洲青山滿鏡慙如聞李太白不復倚南樓  
簫鼓歇叢祠幽篁發故枝湘君在何處天外倚參差  
歲歲九張機織盡回文字敷風動瀾漪迢遙不堪寄  
醒醉渾閒事良辰過亦忘不堪題楚怨宋宋兩端陽

月間五

一掩旌旂色中流氣象殊岸華開不盡高詠過巢湖  
和遺園唱酬韵

得酒霜風卽漸柔不逢箏笛美人舟暮雲欲合長相憶木  
葉同林又一爍陶令未妨彭澤傲梁臺曾接杜陵游道然

詩八

十

鷺鳳聞清嘯珍重名山共白頭

送澗池張景樓比部

江介日煙霜行人試急裝終南遠出處河水老文章戰伐  
吟諸將貧辛見道方鴻天毛羽愛珍重報高堂

魯遽一首贈王尙辰

魯遽堂上瑟堂下與之鳴鼓宮或商應豈得爲同聲賤子  
嬰駕馬少不就羈纓黃頭縛袴褶意氣呼老兵無端幽惡  
病埋牖老書生書生三十年獻賦終無成一從作吏來友  
朋慚畏并友朋多宿艸新知忽崢嶸崢嶸大道王白日一  
班荆低眉論文字中和殊楚儉濠梁相爾汝儒俠忘其名  
鳴笳天地爍數竈誰家營吹脣起惡少勿乃慕越黥萬子



欲刺天气已無堅城何來一青袍談笑羣兒驚斂戈率曠  
野唾血主齊盟飄飄大將旗摩壘千夫迎聊城燕將書一  
矢爲重輕玉貌魯仲連肆志終辭榮塵中將相多改吟在  
山清陳琳幕羈栖阮籍眼白青六十大布衣芝艸掇其英  
九芝作文章卷軸牛腰橫朝登教弩臺逍遙水泠泠吾琴  
久不張世耳習琵琶相對一忘言五嶽甸中平繇霜詩正  
月傲裘頗有情少垂富春鈞既冠游上京閩海狎波濤河  
嶽叩精靈折腰又一紀倭遲此車輪世無嵒氏簧曷由調  
玉笙飄蕭回白頭相和長歌行

茅店

茅店烏啁啾眞成屋打頭冰霜何樹古鳧幾家收落落

詩八

三

千年事滔滔萬里流中宵敬客枕吾夢在滄州

教弩臺消寒第一集

浮雲無盡此登臺至日相招共舉杯并列不隨三國改酒  
行已見一陽回蒼茫古意孤鴻送駘蕩春心野艸催眼底  
風塵吾輩老人閒冰雪有時開

寄鄭湛侯

屈宋才仍老鄭虔行吟流落竟華顛酒尊語笑尋常事相  
望相慰又一年

歲暮六章章六句

丈夫聞道苦不早五十二年人漸老薄宦仍歌行路難小  
儒敢說榮名寶恩答吾愛吾鼎柳下季古義今人莫遺棄

雪下一寸蝗一尺老農拍手歌三白衝寒隴閒有飽意如  
鍼已見芄芃麥明年雙岐呈瑞連如雲我舸飛饜海上軍  
十二分野多使星歐羅巴洲同一明有客有客東瀛至定遠  
力藩益子聽箸書等身書未成我曹發憤箸書各有志鼎  
至自日本彝竹繁從所寄

禽言鳳皇不如我毛羽摧積行且過春風春風爲誰來噓  
枯吹生無不可酒酣請歌暇豫之烏烏安得今吾勝故吾  
車前八騶何甸甸車中之人不自見歛啄由來有定分人  
食膏粱馬食菽胡爲容頭過身行不休歡娛蕭瑟恆相求  
叢柯接葉百羽巢寄生糾結來相交大風斯拔寄生外羣  
鳥飛去生詠嘲我見崇山蕩蕩無不有氣與天地長相守

詩八

春雪

東風散雪布巖巒積漸新泥覺路難初七兒童學嬉戲大  
千春色作荒寒便成木稼令人怕略似棉花不耐彈幾日  
晴郊牛背穩謝佗芳騎鬪輕鞍

舒城道中

芳吹穀粜筮春來水不知道逢人日雪興發艸堂詩千古  
廬江路三分割據時周郎不可見雲起一相思

殘雪

安邱曹桂醞小塘詠雪云獨乘陰凝氣發爲  
冷澹情睡睡初日出何處可容卿蓋有所風

人去玉京游寒生舊畫樓皖山亾恙在幾夕白君頭冷澹  
陰凝句與觀羣怨倚曹風重有感如雪悟蟬蛻

胡稚楓方滌僂願楞卿招同鄒邊二太守爲真率之會



主客忘形胡不樂興逸遊飛共芳酌雨閣津亭浣去塵如  
絲離緒檐華落使君作郡赴濠梁

鄒太守檄  
權鳳陽府

賤子前驅肥

水陽柳未全穉梅半吐舊游池上毋相忘爾來世事如山  
倒華發幾人被華惱到手深杯酒不辭寵辱無心能醉飽

時衣冠  
多杜門

辛冬修夜陳尊疊雪車冰柱吟衰回念我廬陽遠莫致臨

湖客又黃頭催

去年十二月朔諸君清集送  
周諫人牧無爲有見懷之篇

人隨春至陽

回谷好事天公猶戲玉昨宵海月照燧煙流雲似有鸞輪  
逐相逢且復飲無何鑄澀落生劔不磨好聯會合韓孟句

爲歎不足離憂多

山鋪道上有感

亡友管才未過此有三更燈火  
紅成市一片春蕪綠近城句

詩八

古

檉柳嬌黃卻盡生車前如掌翹塵平遲遲春色寒猶峭脈  
脈山光雨乍晴古有浮雲憐白日夢隨流水去荒城綠蕪  
無恙才人以罷唱陽關第四聲

回縣

羈宦仍爲客如何說是歸春風來傳舍官閣解征衣益益  
萼爭發雲霄鴈倦飛南山歌罷唱吾愛豆苗肥

詩九

復堂類集二

二月五日夢園清集同謙齋子聽作

海思雲愁兩不禁春風莫負酒杯深當頭一片如環月猶照平生結客心

花發禁寒煥又禁天涯春色爲誰深敝車羸馬塵埃路未要羣兒識此心

斜陽一笛怨難禁祇有黃鑪客感深萬縷千條楊柳色勞

勞亭畔故人心

近日哀憐先生高未遲之逝

長安西望笑誰禁衣上緇塵尺寸深我有荆卿舊時劍蕭

蕭易水是知心

子聽將北行

苦雨同謙齋

詩九

何止霖三日空庭宋更喧陸沈人有淚天漏問無言憂生

眞若夢命酒竟難溫我欲揮長劍浮雲抉九閭

莫埽遺園徑泥涂老更驚鳴琴同失響撞穉恐無成大造

知何意微官益自輕還思訟風伯唇舌藉君卿

絕句

吹笛難成曲下方何處晴含愁自無限日日共落生

遺園招飲小病不赴

老共消搖物外游一尊當復畔牢愁支離七發濤何氣縹

渺三危露欲秋頌酒劉靈仍獨醒入山禽慶始無求虛堂

並有懷人夢千里星河向曉流

香華墩清集同謙齋作示同游諸子

善化陸蘭生無爲吳驊仙合肥王緝甫衡



蒲梁  
緝軒

朝霞被青紅，椒作千夫渠。文章有正色，君子意何如。雲山空徙倚，一清不求餘。持之淺溪楫，跌宕今人居。莫色俄蒼然，自古思襟裾。奇山在懷裏，空翠生闌闌。浩倡爲君發，愧走塵中車。

孝肅祠堂

祠門雲氣接華光，待雨先秋試蚤涼。水鳥飛來蒲葦碧，青山影裏芰荷香。好從尊酒頻中聖，見說清時有諫章。芳草遠尋歌楚怨，人閒何地不三湘。

施水秋汎

青陽山色到詹開，施水襄回往復還。一自風雲開甲第，遂

詩九

令草樹隔人寰。漁歌白日蘆中去，秋士青絲鏡裏班。不信巢湖三百里，老夫無耳洗潺湲。

寄懷遠宮農山觀察

霞落月蒙蒙，蕭閒病有功。鴈來窮塞晚，秋在獨絃中。萬木淮南下，千山皖北雄。回車新作達，飛檄舊生風。劔舞摩挲罷，花光夢寐通。酒尊隨鬢綠，鄉樹向人紅。梗槩然誰昔，泥塗閱我躬。百年尋警款，五嶽借龍從。庖刃劬成頓，遼丸眩入空。寥天原不隔，結習况無同。遠躡言非近，卑栖意亦崇。寒巖忘欲辨，飲谷已藏虹。

九日教弩臺登高

雲物日且佳，奚云愛重九。蕭晨紀斯名，藉以招賓友。離離

霜前鞠瑟瑟津上柳管管歇風塵往往尋林阜苑枯本自然樵隱求其偶足音相然疑物論齊可否高臺古豪英千秋一回首并列猶濯纓已藏宜袖手琴歌亦無心酒人誰不朽相期逍遙遊結言茲永久

和謙齋秋感

淮南秋色古來多脈脈敲寒鴈乍過白日不淹華濺淚美人何在水曾波淋池爲樂忘歸夜沛邑傷懷猛士歌方寸幾時平五嶽蕭然一榻伴維摩

紫蓬山色晚蒼蒼意與浮雲六合翔白髮鳴琴猶吏隱青春無石作歸裝爾來偃蹇還鄉夢往事消沈結客場躍馬欲尋人不見逍遙津上有新霜

詩九

夜宿中廟

浪華雲葉共浮浮對此泓曄我欲愁水底有山如照鏡人家種柳易悲秋二更月出涼無際千頃波平翠不收巢父曹公同一夢隱淪戰伐兩難留

姥山

中流裏拂姥山青葉下依稀似洞庭湖水湖煙迷處所九

歌無意問湘靈

感寓

人定振敝裘念彼衣裳單魯酒不盈酌呼兒卻微寒鱗星在庭戶而雨隊檐端城闌柝聲起缺月淒心肝置身銀海中忽如寫驚湍五緯一以正顧菟輝未殘民勞亦云愒海



寓今且安遂遁母高言烈士方盤桓蕭條復蕭條烏虓夜  
已闌

和沈池州齊山秋詠

拄笏淮南木葉飛頻年語笑墜歡微袖中璫札心如訴畫  
裏家山夢未歸尊酒重陽多勝事秋江千里共斜暉風流  
太守畱高詠我欲追陪一振衣

夢園歌贈定遠方忍齋臬使

夢園先生天人姿蒼髯顏色如嬰兒達官貴人比肩立千  
秋手定如公誰

文宗皇帝舊侍從手焚諫艸趨形屏入與重臣商國是出  
延詞客共憂時憂時詞客盈公府淮南壇坫爭千古輕重

詩九

四

夷吾鹽筴書亂離明遠蕪城賦采珍南海動魚龍樂職西  
川走風雨歸田十載臥清時衣冠肥上尊流寓青琴一揮  
曲調高曲中猶似廣陵濤園林鐘鼓古恆有平泉綠野今  
其遭檀欒正與道心發磊砢復似奇情標平生作記尚未  
就曾懷合共神樓超雄劍失鳴頭蚤白麤官浪寄肥津跡  
海內論交幾老成林閒中酒思疇昔傳人心折此名山遲  
暮眼荒尋下澤遺園一老詩萬篇便作羊求成二客

田閒紅葉一枝

短短將積日荒荒無盡風紅顏原絕世不在上陽宮

消寒雜詠九首

拄笏蜀山邊煙霜又一年酒尊容拙宦詩國集羣賢蕭瑟

車塵後崢嶸鼙鼓前不知圖畫裏梅萼幾分妍  
老去風塵事然脂未箸書冬心憐晚雪色問何如花柳  
依年少關山徧歲除卽今通俊賞古意滿巾裾

祭酒動星辰縣車近買鄰衣冠尊咳唾江海出精神下帶  
言忘象藏山書等身貞萋畱古色珠樹自恆春

夢園方先生

燕寢賦凝香清嚴太守堂北風上肥水明月滿衡陽浮渡

蘭爲楫餐英鞠一囊圍宜除害馬里不飲晨羊

太守黃公

亦有賢羅隱高吟續楚聲詩書餘味美平準素心清梅尉  
藏封事毛公避大名塵容與君盡一一歲寒盟

羅刺史梅徵君

毛別駕

巫峽星河在縱陽劍佩非山川與懷抱聲氣此袞衣莫問

詩九

五

丞卿事聊通性習微寒宵心不競華燭自輝輝

李屯尉蜀人陳大

合懷甯人

酒罷刺輕舟巢湖凍霧流客心兼水陸人事畔牢愁懷衷

盈詩本丹黃借校讐乘閒尋結習落落寄千秋

第二集後子赴安慶

二句而歸

高閣寫松風遺園酒不空錢刀違我輩儒俠抱誰同暢以

題襟集栖之半畝宮阮生仍至慎興在竹林中

王謙齋典籍

晴雪待檐端天涯歎侶難餘情池水冷高調瑟絃彈懷古

春無恙畱賓夜未闌人間黨太尉一例說消寒

池上故人近多離逝

元日雪

是日立春

問訊江潭楊柳枝回黃轉綠蚤相思元辰正引陽春酌草



午俄吟白雪詩長笛短簫聲媚嫵朱樓翠箔隱參差天涯  
華樹巫巫發寄與芳心不厭遲

正月三日諸文士琴酒清集

春朝越二日迎年翫歲芳意氣諸少年脫屣登斯堂雲色  
停在樹宜麥歌樂康一持精白心良位忽所當七絃何冷  
泠楚聲拂散菫中和志云集斂氣視允臧化雲初往來煙  
岫知素藏與子日飛鴻出門道且長豈無遠道思千里同  
衣裳林寒鑿數月回薄此輝光

和夢園先生畱別韻送之淮上

卓爾誰堪大雅羣老成一息眾言紛令人自醉非關酒他  
日相從願作雲湖海襟期猶故我江淮言舊有諸君林寒

詩九

六

惜別同聲鳥艸腐思飛未化蟲

再送夢園

愁思陰陰不見春并無絲柳拂離津寓公老作淮南客況  
是尋常行路人

和答李丹未

國風從古說溫柔無屋何妨且住舟樓上才人曾作賦機  
中春女尙悲秋綠波碧艸吟兼夢白水青山臥亦游病裏  
把君詩過日負佗婪尾與遨頭

懷遺園海棠

明妝照鏡鏡無塵絳樹巫巫豔四鄰西府自憐紅衷影東  
風畱贈白頭人園林好處難離別煙雨多時減笑顰隔斷

輕綃空入夢一番閉置不成春

畱別

去合肥  
日作

燕雁木代飛物理如有求相感云自然一氣爲春秋人事  
方驅遣心目匪自謀雖云宓子室何殊王粲樓微風引之  
去蕭寥此虛舟止泊尙未能委蛇與之游宿宿復信信方  
寸結綢繆太上非吾情盈襟有滯畱金石爲君身令德當  
自修相責敢期貨未退多所羞庶幾歸去來三徑方悠悠  
題楊凌霄望雲恩親圖

親存不逮養雲去何能畱耿耿哀鮮民緜緜至千秋歲時  
霜露肅欲拜無松楸何時化精衛所願凌陽侯從母夢寐  
中兒今亦白頭稍學墓大夫擇術行陵邱山下雲英英瞻

詩九

七

望涕橫流志安佗人親聊贖百讐尤如何富貴家輕別曠  
瞻羞無爲愛日長愧等行雲浮

宿松官舍中秋柬黃溥之

浩蕩煙光又一秋十年蓬轉憶前游涼尊邀月迷賓主疏  
樹因風悟去畱種鞠近宜尋粟里結茅古竟有閩邱清輝  
今夕恩千里咫尺知君共舉頭

秋日道中懷鄭贊侯

前令  
太湖

山色絢司空人行紫翠中十年仍磨迹八月又秋風幕府  
蹉跎老琴絲泊澹同後先思茂宰雲葉望無窮

時黃溥之  
宰太湖

官舍不寐

不眠漏點作秋聲露下空階月四更何似散香參柏子沈



沈山寺欲天明

後二秋詩

八年九月于役皖南賦秋蟬秋晝絕句今行太湖道中重有感作此

蜩翼冠文豔百僚高清吟莫復吟朝秋光未老先遺蛻竟

與塘蒲共未寥

陳前餘怒尙騰騰老占陂塘氣自陵至竟未能諧律呂祇堪鼓吹亂邨塍

光緒丙戌八月自宿松赴行省阻風長楓用陶公規林詩

韻

陶公八十日我愧久淹居歲華去冉冉州府來于于蒼葭晞白露黃鳥止邱隅志士懷不遂老矣失修涂行路遵危颺臥楫阻平湖始知無遠近云靚忽復疏非徒感疏密況

詩九

八

乃外生餘飄風朝且夕明發當何如

半生旣道長動足迷所之淹留此枉渚猶幸無程期披襟賦快哉得失亦有時風水各無心勿復怨今茲果爲藏壑舟橈楫戛可辭咫尺有阻修歸去復奚疑

小泊同丁兩東

偃風小泊客頻年迴薄愁心野渚前世味酸鹹何足嗜丈夫樵悴不求憐朝朝秋暖霜無信處處雲迷鳥未旋偶與禪房譚往事籬花徑竹意悠然

宿松太白臺遺址

我不見古人郊原碧艸年年春古人不見我清江白石何粼粼艸色與水似登高目千里天津酒樓隔莫雲匡山書

堂滿荆杞沙棠陂接讀書臺閭邱處士安在哉  
媛鷲涼鴈識賓主酒人千載誰復來萬古之愁揮不去有手何必持  
金盞無恙青冥一片月冷照疏林浩歌發故山木落胡不  
歸纜不盡千絲鏡中雪五十五年恆獨醒誰云飲者皆仙  
骨清霜滿空憐柳枝停辛苦有窮期臺上仙人難再得  
白日欲落不落長相思

和二友詩

高飛何處影憐形下上春風取次經遠有樓臺煙漠漠年  
來離別艸青青倦游未肯長搖曳一失無端墮杳冥記得  
夕陽圖畫裏竹枝曾共美人聽

右和沈蒙未紙鷲

詩九

九

無盡風光集曲池閒吟誤比有情癡機中文采當窗織梁  
上纏絲小雅詩故土雙雙栖海國依人脈脈向天涯提鵬  
挈鷺江湖去春色憐渠睡起時

右和張公束鴛鴦

莊仲子中白次  
子葆辰

莊郎二十始相見喜心翻極俄沾巾不見乃翁十一載深  
溪地下同酸辛一官傳舍將歸去垂老心期復誰語佳兒  
負薪玉雪好遺書盤楹文字古霜寒月苦來夢魂海內知  
已幾人存眼前三男豚犬耳昵近莊郎亦弟昆

風雪

遂有空濛萬古愁人間深雪阻遨頭寒扶斗極縣初正春



隔滄江凍欲浮極目無窮迷道遠回風有意識歸休故山  
梅柳尋消息別曲笳簫悔滯留

丹霄二首

丁亥上  
元日作

丹霄望不極浮雲上亾階素雪斂九達下覆濁水泥太陽  
自然高流自有蔽虧一朝抉羣陰朗朗何巍巍佩服仙之  
人玉璐揚光輝裨海一沐浴燭幽孰與齊踐烏爾何趾終  
古相依棲元夕嬰春陽下土昌幽微鍾石方譖然遺響出

九閨

九閨交綺牖宛轉被氛霧服食求長生勿乃懲藥誤駕龍  
臨昌衢神骨當識路安得戒邪徑玉軼無窘步何必師轉  
蓬高空謬馳驚道修有時至所求造父御況乃春日長行

詩九

十

行鮮晨露環轍一以正芳華隨所遇

將去宿松風雪道阻成四十二韻

東風猶未轉西閣不能離北戶違聞稼南山愧采芝儒冠  
輕出處江國久棲遲推擇徒爲爾浮沈略可師濁醪非獨  
醒拙賈詎論警好古畢生事牢愁與我期篋書嗟十上罾  
板隔重墀課政屋頰戴逢囚涕浪垂天都晨臥閣裏水晚  
臨歧赤緊龍岡嘯蒼茫蜀岫奇曲衢行似轂黑白序如碁  
鞭撻封邱歎菅麻下體遺竭來巖邑長常繞夜飛枝結客  
疇招蓋求全屢謁醫如辛安若素大宅滿何時彭澤難心  
隱沙棠近有岐簡書一以畏束縛且須辭漫掩殘編卷言  
尋舊舖糜宵長占夢讖遇詭復禽疑鬱鬱千秋氣緜緜遠

道思拊心欣雀躍側目送鷹飢七緯宵初正三陽律自知  
數回鳴應鳳筮告灼從龜陶鑄尊姑射馳驅入具茨公孫  
行馬閣百里五羊皮滄海魚龍徙師兵營衛移辰躔恆拱  
極父老共耕蕃簾閉君平肆牛歌甯戚胝家鄉畫裏路贈  
處笛中詩拄笏吟朝爽傳觴述酒悲微官拋墨綬曉鏡對  
黎睂濡滯周南易蕭閒退院緇卅年毛羽改八顧友朋衰  
散木林柯廢當歸藥裏隨骨原殊嬾子符已號詭癡河嶽  
羅句次煙霞待指攜憂虞無好語頑鈍看凡兒揣分容吾  
嬾諸賢慎所持堅冰馴至候缺月忍寒窺津楫叩艱涉春  
鐙巷罷嬉兼旬溪雪互傳舍旅裝羈意外句畱地塵埃惜  
履綦

詩九

別詩

去年送人處今我亦行人雪浣山畱絮風吟氣已春津梁  
成老大妻子習貧辛路堦應相笑遲回始乞身  
旁州盈丈雪寒餓澤中多共此乾坤內其如枯菀何具官  
殊器受率土一衢歌宰割無吾事鉛刀安用磨

感興

雁爾知歸路塗長好護持紇千山上雀憔悴已多時  
燕爾知來路遲遲遇伯勞春風正多厲朋輩莫爭高



敘

自古詞章皆關比興斯義不明體製遂舛狂呼叫囂以爲  
慷慨矯其弊者流爲平庸風詩之義亦云渺矣譚君仲修  
深於詩者也其言曰吾少志比興未盡於詩而盡於詞又  
曰吾所知者比已耳興則未逮河中之水吾詎能識所謂  
哉嗟乎仲修之意遠矣夫義可相附義卽不深喻可專指  
喻卽不廣託志帷房睽懷君國溫章以下有迹可尋然而  
自宋及今幾九百載少游美成而外合者鮮矣又或用意  
太深辭爲義掩雖多比興之旨未發縹緲之音近世作者  
竹垞擷其華而未芟其蕪茗柯泝其原而未竟其委意內  
言外之趣仲修所作殆無憾焉或曰仲修與子方厲學爲  
世用安藉是靡靡者爲子曰仲修年近三十大江以南兵  
甲未息仲修不一見其所長而家國身世之感未能或釋  
觸物有懷蓋風人之旨也世之狂呼叫囂者且不知仲修  
之詩烏能知仲修之詞哉禮義不愆何恤乎人言吾竊願  
君爲之而斬至於興也丹徒莊棫

詞一

復堂類集三

菩薩蠻

綺窗香暖屏山掩  
菱華半照愁蛾斂  
繡綫怯衣單  
鶻唳風雨寒  
遠山眉翠薄  
素靨輝珠箔  
紅袖倚葦枝  
亭亭三五時

象牀觸響釵梁鳳  
嬌鶯喚斷春閨夢  
裙衩映垂楊  
曾驚游冶郎  
一從春色去  
玉貌渾非故  
夫婿是浮雲  
愁風愁水頻

深宮柳色慵眠起  
章臺夾道車如水  
付與可憐春  
房權藏玉人  
綠苔綠砌上  
燕啄銅鋪響  
殘醉醒還迷  
迷門前聞馬嘶

詞一

朱絃掩抑聲如詠  
銅蟬金雁飛無數  
人去幾時回  
行雲何處來  
畫闌圍曲曲  
敲折搔頭玉  
葦老鬱金堂  
閒熏沈水香

長亭怨慢

霜楓漸盡書和廉卿

又消受江楓低舞  
幾徧清霜落  
紅盈路返照  
蒼茫亂山憔悴  
黯無緒  
悵葦吹絮  
曾目送春風去  
往日倚樓人  
早領略  
芳容愁苦  
薄草墜昏雅  
宿雁卻向隔城煙  
樹長亭載酒  
道休負別時言語  
記得是葦蕩梢頭  
怕回首尋芳前度  
柰一晌停車林際  
葉聲如雨

醜奴兒慢

晴雲做暝如睡  
寒山初醒  
尙留得婆娑  
衰柳忍記青青  
幾



點蘆莖誤看飛絮化浮萍霜林深處殘紅未了一樣飄零  
淺水渺茫畫船歸後簫鼓都停問吹笛樓頭人去記否  
丁甯省識春風踏歌扶醉上湖亭而今依舊青衫中酒落  
照西冷

摸魚子

悄無人繡簾垂地輕寒惻惻如許東風送暖衣纔卸還又  
繞樓疏雨春好處怕落了梅華便算青春草紅日笑語道  
薜荔牆根秋千索下芳草綠無數天涯遠不斷行雲去  
去征鴻歸計休誤紅橋雙屐芹泥滑寂寞踏青游侶從閒  
阻任折柳聽鶯年少判虛度懷人正苦更卷起重簾蕪煙  
漠漠斜日暗南浦

清平樂

東風吹徧穉柳垂青淺雲樹朦朧千里遠望見高樓不見  
樓前塞雁飛還愁邊多少江山忍把棉衣換了玉梅華

下春寒

青衫溼

春來未有晴時候風雨閉重門今朝折柳明朝飛絮幾箇  
黃昏一鐙上了簾前瘦影銷也無魂青衫溼處看來卻  
似點點啼痕

湘春夜月

忒迷離幾番風雨華朝賸有一片芳塵渾豔斷紅橋燕子  
繞梁飛遍爲怕伊憔悴替墨香巢早長亭折柳天涯盡處

春去難招，空階夜色鬱鬱。月冷羅袂飄飄。天末風生，吹皺了浣紗溪水。濺上天桃一襟紅淚。照往時鬢影蕭條。算此際有愁人似我，朱樓縹緲無寐。吹簫

雙雙燕

緣陰詞同廉卿作用梅溪韻

漸莖事了數寒食。清明斷紅香冷。人家綠暗。曉樹後堂枝並行。到荒臺廢井。正天氣陰晴難定。闌干竟日沈沈鏡裏。雙鬢留影。幽徑羅衣露潤。怪葉底聲圓。乳鶯輕俊。韋郎歸也。莫是草雲催暝。剛許眠琴坐穩。算分付尋芳音信。嬌病最怯春寒雨。過瑣窗還凭

蘇幕遮

綠窗前紅燭底。小撥檀槽。月盪涼煙碎。夜靜銜杯風細細。

詞一

三

吹上羅襟。仍是相思淚。病誰深。春似醉。陌上桃華門內。先憔悴。夢到高樓。屋欲墜。零露無聲冷入空闈裏。

青門引

人去闌干。靜楊柳曉風初定。芳春此後莫重來。一分春少。減卻一分病。離亭薄酒終須醒。落日羅衣冷。繞樓幾曲流水。不曾留得桃華影。

南浦

杯行漸盡。便天涯芳草送征輪。此去看華得意。休念酒邊人。不是馬前風雨。是臨歧別淚灑紛紛。只依然雲樹無多。煙水一樣動離魂。我是近來消瘦最。慊慊傷別。復傷春。怨殺浣紗溪水。不照舊羅裙。日暮歸鴉飛盡。賸河橋獨立。



病中身問翠衾何處綠蕪無語已黃昏

洞仙歌

闌干澗碧疊苔痕多少芳樹陰陰斷嗁鳥記簪榴日暖折  
柳風疏妝鏡畔斂袖愁蛾淡掃 陌頭新燕去煙雨無情  
遮斷香車往來道徐起拂青琴絃上塵生憑傳語知音歸  
早怕此去秋聲滿江亭膾把酒登樓亂鴻衰艸

滿庭芳

莖是將離曲成憐子心情不似當年桃笙選夢綠酒說從  
前滿地蘿陰似水無人到鬪艸闌邊風初起池萍點點搖  
蕩不成圓 閒蟬楊柳外乍調脆管半澀新絃試重問齊  
宮舊事誰傳消受晚來風露離亭樹淡欲生煙聲徐歇高

詞一

四

樓微月翠袖隔重簾

浣溪紗

昨夜星辰昨夜風玉窗深鎖五更鐘枕函香夢太怱怱  
簾閣焚香煙縹緲闌干擲笛月朦朧碧桃莖下一相逢  
好事近

率入畫屏秋莖外夕陽倬懣高柳病蟬嘶起卻晚晴時候  
酒邊知是笑嗁難風味記新舊獨掩盈盈畫扇忍伴人  
消瘦

蝶戀莖

庭院深深秋夢斷玉枕新涼雨氣和愁亂一炷鑪香燒漸  
短空房無語芳心軟 小膽惺忪誰是伴瘦到支離病比

季季慣眼底朱闌千里遠西風幾點南飛雁

角招

荷華

近來瘦還如蘸水拖煙漸老隄柳欲尋雲際岫盪漿采菱  
多刺傷手悲秋病久看褪盡紅衣蓮畝昨日柔香縹緲有  
三十六鴛鴦向華前低首空有抱香兩袖江南信息爭  
唱新詞秀翠盤珠乍溜細雨微波重來時候登樓念舊歎  
綠鬢消磨尊酒莫遣簫聲更奏怕雙淚濕青衫人歸後

采桑子

闌干一夜霜華重夢墮寒煙鬢老秋蟬菡萏香殘似去年  
朱顏總被尋常誤爭枉慵拈簾幕依然碧樹當樓更可

憐

浪淘沙

欄檻雨絲柔錦樹當樓芙蓉零亂作深秋不信浮雲從此  
去都是離愁酒盡算江頭怕聽笙篴青袍多少淚痕留  
殘月杏華簾幙下往日風流

更漏子

酒杯停人語細月午繡簾垂地收玉鈿卷羅衣海棠憔悴  
時清漏斷迴腸轉誰道秋宵更短纔半晌又三更疏鐘  
聞雁聲

鷓鴣天

城闕煙開玉樹斜幾重簾幙醉流霞并華曾照翩翩袖巷  
口疑聞隱隱車芳艸地玉人家女兒生是斷腸牽西風



只在高樓上吹澹文窗舊日紗

芳艸 送別

問西風玉階芳艸門前便是天涯驪歌聽唱徹漫持殘酒  
淚滿金杯羅衣親拂拭戀餘香曾入儂懷暫握手恩慙不  
語斜日樓臺 頻催滿堂絲竹離亭畔恁許徘徊登車還  
在眼玉容憔悴損首莫輕回銀屏人寂寂有年時明月重  
來算此後翠衾夢斷夢亦疑猜

蛙戀葦

樓外啼鶯依碧樹一片天風吹折柔條去玉枕醒來追夢  
語中門便是長亭路 眼底芳春看已算罷了新妝祇是  
鸞羞舞慘綠衣裳季幾許爭禁風日爭禁雨

詞一

六

下馬門前人似玉一聽班騅便倚闌干曲乍見迴身蛾黛  
蹙泥他絮語憐幽獨 燕子飛來銀蒜觸卻怕窺簾推整  
羅裙幅語在修眉成在目無端紅淚雙雙落  
抹麗柔香新欲破爲卜團圓暗數盈盈采睡起鬢邊低漸  
墮鏡前細整留人坐 卻換羅衣憐汗顆不喚紅兒自啟  
葦蕪鎖一握鬢雲梳復裏半庭殘日恩慙過

帳裏迷離香似霧不燼鑪灰酒醒聞餘語連理枝頭儂與  
汝干葦百艸從渠許 蓮子青青心獨苦一唱將離日日  
風兼雨豆蔻香殘楊柳算當時人面無尋處

庭院深深人悄悄埋怨鸚哥錯報韋郎到壓鬢釵梁金鳳  
小低頭只是閒煩惱 華發江南年正少紅袖高樓爭抵

還鄉好遮斷行人西去道輕軀願化車前艸

玉頰妝臺人道瘦一日風塵一日同禁受獨掩疏櫳如病  
酒卷簾又是黃昏後六曲屏前攜素手戲說分襟眞遣  
分襟驟書札平安知信否夢中顏色渾非舊

金縷曲

江干待發

又指離亭樹恁春來消除愁病鬢絲非故艸綠天涯渾未  
徧誰道王孫遲暮腸斷是空樓微雨雲水荒荒人艸聽聽  
林禽祇作傷心語行不得總難住今朝滯我江頭路近  
篷窗岸華自發向人低舞裙衩芙蓉零落盡逝水流年輕  
負漸慣了單寒羈旅信是窮途文字賤悔才華卻受風塵  
誤留不得便須去

詞一

七

東風第一枝

省識羣風驚回夢雨輕寒恰又輕煖斷魂紅袖香殘半醒  
翠尊酒淺空階竹影又訝是青袍微展鎮故園數點幽花  
欲寄一枝人遠從別後帳中淚眼知憶否樓頭素面慘  
悽曉鏡孤鸞冷落舊巢旅燕虛簾鉤起有一片柔腸同卷  
便好春過了江南怕過往時庭院

賀新郎

離思無昏曉不分明東風吹斷舊時顰笑疏雨重簾煙漠  
漠花色雨中新好又怕人隨羣老珍重乍來雙燕子問  
玉驄何處嘶芳草腰帶減更多少春衫裁翦渾拋了盼  
長亭行人不見飛雲縹緲一紙音書和淚讀卻恨眼昏字



小見說是天涯春到夢倚房櫳通一顧柰醒來各自閒煩  
惱知兩地怨嗁鳥

長亭怨

看春老飛莖飛絮燕子來時綠窗朱戶不浣閒愁漫煎離  
恨柰何許妾魂銷矣最恨是沙頭樹相送客舟行卻不道  
天涯從此 欲算想征衫乍解雙袖淚痕無數玉環錦帶  
是纖手背人親付算此後步步關情似華發空階無主更  
不遣分明淒斷柔腸一縷

浣溪紗

舟次吳門

五十三橋未是長水流不斷似迴腸弄風帆影過吳江  
玉枕啼痕猶昨日翠樓人語已他鄉真愁強笑費商量

詞一

八

蝶戀華

梔子華殘蝴蝶瘦鏡裏晨昏總是愁時候夢到江南人在  
否斷魂付與青青柳 過盡春風三月後門外斜陽馬上  
休回首私語難忘今日酒玉闌干畔攜雙袖

鷓鴣天

綠酒紅燈漏點遲黃昏風起下簾時文鴛蓮葉成漂泊  
鳳桐花有別離 雲澹澹雨霏霏畫屏閒煞素羅衣腰支  
眉黛無人管百種憐儂去後知

破陣子

泊舟見官柳一株亭亭如蓋感賦此闕

紫燕黃鸝寒食綠窗朱戶清明簾幙尙留飛絮影衣帶誰  
聞拜月聲畫闌攜手行 野水臉波添滿遠山眉黛同青

題作人間端正樹驛路斜陽一片明西風容易生  
解連環

後堂春晚背紅鐙影裏酒寒人散自卷幙別淚闌干正斜  
月輝輝斷雲天遠半晌悵儂怎便是三更三點歎從今只  
有妝臺鏡子照人心眼 回頭歲華荏苒記無多笑語總  
添哀怨謾付與約指雙環問何日題詩定情相見繡幄香  
泥好護惜明年宿燕待蕭郎白馬歸來絮飛滿院

相見歎

往時幾度春風過恩恩最苦今年人去落花紅 月如水  
光千里與誰同一樣翠袞香冷枕函空

踏莎行

畫柳

詞一

九

玉樹微寒瑣窗宿雨分明夢到閒庭字一重簾幙對西風  
離愁不斷浮雲去 來雁驚秋吟蛩向暮江鄉景物還如  
許幾番殘月又新霜當時折柳人何處

浪淘沙

楊柳算蕭條風雨瀟瀟別時春水滿河橋幾日江南鴻雁  
到燕子辭巢 玉樹向人凋角枕無聊嗁痕新舊總難銷  
樓上黃昏簾不卷明月今宵

虞美人

天風吹落樓頭月客鬢生華髮枕函迷夢醒還空帳外一  
星鐙穗吐微紅 書來猶泥封時淚留得相思字江南芳  
艸又逢春祇覺一般春色不宜人



河傳

樓畔輕喚鬢低垂欲語含羞語遲送郎出門郎馬嘶相思  
夢回儂未知 難倩征鴻傳我意情似水空灑無名淚畫  
鴛鴦更漏長殘妝君眠何處牀

鳳皇臺上憶吹簫

和莊中白

鏡掩虛塵枕寒別淚綺窗暗換春風悔翠睂輕別華月  
忽問訊趙家姊妹看擁髻都是愁中雙棲燕雕梁在否容  
易相逢 重重故山望斷有一片飛雲會度牆東想倚闌  
無語玉袖嗁紅不分銀筓吹冷調怨曲銷損芳容春依舊  
天涯斷腸人去房空

江城子

詞一

十

江城垂柳一枝枝別君時日遲遲不道東風又是隔年期  
霧鬢雲鬟憔悴損除鏡子没人知 小樓華發故人非送  
斜暉信音稀有恨無言明月上羅幃金鴨香殘鴛鴦袖冷剛  
許道莫相思

甘州

問蕭條底事走天涯席帽拂黃塵又當筵紅燭金尊中酒  
惆悵逢春回首花幡綵勝娘嬈倚樓人一別高樓去日日  
含顰 況是物華輕換望長安不見宵夢難眞便明年人  
面雙笑恐無因悔從前天寒羅袖倚嬌柔只是少温存思  
今夕掩盈盈淚幾處銷魂

綺羅香 白蓮

與月依依非煙脈脈獨抱愁根遲算一片行雲爭許妙香  
留住驚夢醒返照當樓聽歌起櫂舟歸浦鎖相憐病榻維  
摩拂衣正在葦深處飄零人事盡改休唱田田舊曲江  
南樂府遠水生秋消受和煙和露憐往日羅韞淩波願化  
身膽鉸深護恁禁得搖蕩真圓銀塘連夜雨

南樓令

羊辛楣花谿吹笛圖

岸柳晚颺颺餘酣漱碧流卻臨風三弄倚輕舟吹得月華  
如水冷有多少古今愁一雁度南樓關山音信休憶春  
風華影簾鉤曾是羅襟曾是酒渾不似少年游

詞二

倉嫵

梅華洲小泊寄趙桐孫張玉珊杭州

看霜棲柏樹風約蘆碕舫小橋暝屈指芙蓉老冬心誰  
寄香訊斷霞記省料輕鴻曾照雙影更堪想一角朱樓小  
畫眉遠山靚趙北張南門徑羨買鄰計好沽酒邨近約  
略紅裙醉鴛鴦曲琵琶彈到絃冷汎舟路穩問榜人消息  
應準卻洲畔梅開歸趁春風未醒

尉遲恬

西湖感舊周韻同潘少梅丈作

平隄路正落照欲下城頭樹離離草色城陰前日鈿車來  
處東風宛轉吹不醒離魂夢南浦卻相逢柳外黃昏送他  
雙燕歸去回頭海國浮雲難忘是園林坐石萍聚唱徹  
家山渾蕭瑟話幾許零歌斷舞如今又江深艸閣但添得



巴山一夜語問飄來甚處簫聲倚樓應是愁侶

湘春夜月

今年春初薛先生偕秦觀察楊太守送吳少宰于超山有梅邊送客圖紀事予以五月九日之

官秀州雨後過山下  
梅林陰陰感賦此解

度芳洲綠波碧艸茫茫便覺一片春情分付與離觴人在  
萬梅華下耐幾分風雪有幾分香卻畫橈載酒郵亭折柳  
別緒方長 青袍似艸飄零詞筆禪鬢蒼蒼玉笛聲中吹  
起了戀香雙羽華落江鄉修眉鏡閣等甚時重照梅妝算  
再到只空枝月影宵深漏斷還上船窗

一萼紅

吳山

黯愁煙看青青一片猶誤認睂山華發樓頭絮飛陌上春  
色還似當年翠苔畔曾容醉臥聽語笑風動畫秋千一曲

詞二

二

琴絲十三箏柱原是人閒 細數總成殘夢歎都迷蹤跡  
只有留連劫換紅羊巢空紫燕重來步步回旋儘消受雲  
飛雨散化胡蝶猶繞舊闌干不分中年到時直恁荒寒

憶舊游

九月八日紅豆詞人自禾中來踐登高約越日大  
風雨不得出微吟寫思遂成此解憶二十年前與  
魏滋伯丈楊綱士重九唱和壽樓春詞  
回頭影事已隨秋煙兼道山陽之感矣

正瀟瀟風雨漠漠城闌如此重陽負了尋秋約怕登山臨  
水楚怨微茫廿年舊游蹤跡分付與衰楊算省識當時六  
朝裙屐九日壺觴 秋涼綺懷減想似水僧寮潤到衣裳  
各有看花淚黯青袍顏色冷落餘香一任晝陰陰地愁雁  
語昏黃待洗出秋容明湖澹冶西子妝

金縷曲

唐郵月夜懷勞平甫

木葉飛如雨繞空舟惟聞閣浪悄無人語蓬背新霜侵衣  
袂冷壓釭華不吐料此際微吟閉戶三徑蕭蕭蓬蒿滿記  
從前裊展歡難補春去也惜遲暮 飄零我亦泥中絮歎  
明明入懷月色夜深還去芳艸變衰浮雲改況復美人黃  
土算生作有情原誤莫倚平生丹青手看尋常顏面皆行  
路哀與樂等閒度

霓裳中序第一

怡雲小築梅萼初發尋春未遲

細英展凍曆二月春風初著力江上蘼蕪弄色好盪箇吳  
船試迎桃葉絲絲雨溼傍小池籠影清徹人清瘦仁調鶯  
語幾點上妝額 清絕舊游曾識看參橫玉梅如雪移根  
孤嶼拂拭倚竹生寒羅袖岑寂一枝親許折問三店雙橋

詞二

三

信息歸來蚤商量眉黛留取夜闌說

虞美人

柔塵吹闊絲鞭道繡轂知多少玉河柳色又今年消受飛  
華飛絮晚風前 斜易只合遲遲下我已魂銷也殘妝有  
鏡更無人留得鏡中小影自溫存

霞明煙細還如舊只覺桃華瘦有風無雨過清明慣了天  
涯不慣杜鵑聲 玲瓏格子鑪香裏只共梨華笑儻教吹  
笛影兒雙多謝四更山月照幽窗

點絳脣

臨平道中

側帽東風輕橈翦斷朝來雨去年客路愁聽車鈴語 黛  
色臨平影作眉痕聚春如許玉人心緒恐被眉痕誤



謁金門 春曉

人未起聽盡一湖春水林外杜鵑聲不已杜鵑華發未  
多少深閨羅綺臨鏡不勝悲喜華發遲遲華落易留春須  
蚤計

山華子

曲曲銀屏畫折枝檐華欲笑向伊誰樓上輕寒羅袂薄最  
相思頻拂粉脰鸞鏡暗乍調筠管鳳簫遲綠鬢裏回渾  
不是少年時  
門外蕭郎駿馬行章臺初日踏歌聲妝閣夜長金穗落未  
分明黛掩嗔眉山隱約笙調怨曲玉瓏玲胡蝶夢中單  
枕側不須驚

望江南

詞二

四

東風路如畫是家山艸色卻隨流水綠夕曷只在有無閒  
燕子話春寒

羣犯 唐鄭梅羣林下作

倚東風看羣霧冷芳心付流水去帆陰裏望暮雨朝雲無  
限離思弄珠負了韶年紀前歡猶賸幾恁記省半江顏色  
嬋娟相料理無言繞花易黃昏依稀認窈窕文禽煙際  
仙袂舉疏枝外不禁憔悴漣漪碧晚來照影春夢好憐他  
鸞喚起但領取玉樓顰笑寒香生翠被

洞仙歌 初秋

楊枝弄碧繫天涯心眼幾日涼風便零亂畫橋邊一片流

水無聲人獨立算角將愁吹斷 春塵煙雨裏如夢幺

曾拂檐華笑相見我已厭聞歌玉遂蒼涼又吹起十年清

怨問采采夫容隔西洲卻樹下門前爲誰留戀

西河 用美成金陵詞韻題甘劍侯江上春歸圖

江上地長亭艸樹猶記夢回故國渺鄉心斷鴻喚起萬方

一槩聽笳聲煙波來去無際 耿長劍何處倚楊枝渡口

船繫烏衣巷畔有春風晚蘆故壘倒吹淚點上征衣知他

江水淮水 女牆夜月過小市照飛蓬歸來千里往事幾

回塵世只龍蟠虎踞山形依舊還枕滔滔寒流裏

最高樓 金簡老煙雨尋鷗圖卷中有王定甫通政陳實蕃編修蔣鹿潭大使宗湘文郡守及簡老唱和詞

煙雨裏脈脈只悲秋風片薄酒波柔綠楊不是靈和樹白

詞一

五

頭重上采菱舟百年身千古事一登樓 春去也倡條和

冶葉人去也斷雲還缺月涼別袂觸鄉愁相逢客路如南

鴈欲尋舊夢問閒鷗贖華年與流水兩悠悠

蝶戀華 水香菴餞春

零亂楊枝千萬縷今日爲萍昨日還飛絮禪榻鬢絲春又

去東風不伴閒華住 幾點繞簾梅子雨潤到屏山畫箇

江潭樹門外天涯芳艸暮眉顰深淺渾無語

南歌子

不煥臨分帶羞調已碎琴當時情竭爲知音憔悴青山何

況舊羅襟 黃月如冰冷銀杯借淚深少年景事總銷沈

只有微波來去到而今



璫窗寒

連夕與子珍步月秋心眇縣感賦此解用玉田韻

淺酌吟香單衣卻爍畫闌同凭虛幰卷起月上一庭花景  
問何時羽衣舞殘玉樓遠憶人閒冷恁無端葉底新霜不  
管并梧飄盡 苔澗尋芳徑便涼收翠扇煥餘金鼎含情  
寫怨誤了弄潮音信正閣中秋夢不成鞞髮海棠華下等  
傷妝臺鏡子團樂天涯歸未穩

齊天樂

許邁孫賁夢盒填詞圖

璫窗朱戶尋消息明蟾與華俱瘦病榻玄談柔鄉景事曾  
付青春消受微波似舊問前度通辭箇儂知否老卻夫容  
晚鴛獨自戀珍偶 輕颺罷吹暗牖曲終人乍去離緒拖  
逗遠水長東殘雲漸暝笛裏情濃如酒閒吟醉後只煙外

詞二

六

迷離故園楊柳便不相思隊歡何處有

浣溪紗

樊雲門詞卷

別院東風著意吹晶幰不卷雨霏霏等閒過了牡丹時  
花外燕鷺猶旖旎酒邊箏笛沒參差道人原不解相思  
記得華年是鏡中背燈人面隔華風天涯只在桂堂東  
不語任佗瑤瑟冷回頭已是畫屏空十年影事忒怱怱

綺羅香

題李愛伯戶部沅江秋思圖用梅谿韻

艸瘦芳心柳迷倦眼回首佳人遲暮一片愁魂還被水雲  
留住思故國不隔西風奈離緒尙縈南浦最憐佗松柏同  
心往來寂寞鈿車路 清秋江上望遠祇恐回帆浪急公  
今無渡霧失峰青蕉萃鏡中眉嫵垂翠裏人憶當年倚簞

牀夢醒何處恁禁得彈冷箏絲瀟湘和雁語

一萼紅

愛伯桃華聖解庵填詞圖

晝陰陰待題箏昵酒華髮謝冠簪歌管東風星霜別夢前  
事都付銷沈黛眉淺厭厭睡損又喚起簾外怨春禽杏子  
單衫梨華雙靨愁到而今 猶有平生詞筆只空枝細艸  
日日傷心木末關河雲中殿闕風雨無伴登臨願重倚如  
人寶瑟數絃柱芳歲共侵尋記得班駘繫門一寸花深

長亭怨

燕臺愁雨和陶子珍

恁愁緒鷓鴣嗁冷滑滑天街雨昏煙暝潤到單衾幾時成  
夢幾時醒蚤蟬聲靜偏獨自偎金鼎裏一縷餘香在記得  
渠儂燒臉 卻恨者珠歌翠舞付與曲廊人定妝臺鏡暗

詞二

七

記曾照月痕星影向客舍泥徧輕塵鎮蕭瑟與君同聽便  
去也吳孃休唱一般思省

二郎神

清秋夜集人月如畫當歡欲愁

吐雲華月便墮作鏡中嬌面正玉樹煙迷香蘭霧細賺得  
柔情似繭素扇攜來團欒影有幾日輕涼相見思淺綠酒  
波低紅鐙穗儘容留戀 聽徧晚樓倚簷不勝淒怨但婉  
孌清歌碧天如水一片梁塵在眼寶瑟比人春華同笑芳  
景怕成秋苑還只恐後夜風風雨雨畫簾愁卷

解語菴

陶少篋冊簾試香圖

萃鏤寶蕊酒蘊香波妙豔相思句卷簾微雨鑪煙裏小坐  
避人不語柔馨澹泞在幾曲銀屏深處清夜游微步珊珊



散滿車塵路 我亦鳳城小住好沾蘭染麝姚冶游侶分  
囊傳靶都銷冷但有煥心一縷秋情未暮更繚繞月魂疑  
霧襟衷寒攜向天涯留舊痕如許

臨江仙

紀別

昨夜酒闌人未見玉郎從此天涯清秋倦客正思家十年  
景事回首夢京華 不分車前重握手柔腸結了還加哢  
痕欲寫臉邊霞無言強忍怕染路菊華

度江雲

大觀亭同陽湖趙敬甫江夏鄭贊侯

大江流日夜空亭浪卷千里起悲心問葦葦不語幾度輕  
寒恁處好登臨春旛顛裏憐舊時人面難尋渾不似故山  
顏色罵燕共沈吟 銷沈六朝袞屐百戰旌旗付漁樵高

詞二

八

枕何處有臧雅細柳繫馬平林釣磯我亦垂綸手看斷雲  
飛過荒潯天未暮簾前只是陰陰

謁金門

人寂寂江北江南春色繞樹輕煙迷倦客煙中山半額  
榆火梨花時節獨自怎生將息簾外弄寒風又急子規聽  
不得

空繾綣休認當年人面雨雨風風渾不管落花飛滿院  
付與清明魂斷折得楊枝還短樹下門前千里遠出門儂  
又嬾

煙雨裏十二闌干慵倚飛絮飛葦人似醉生憎江上水  
檢點羅衣殘淚帶眼莫將春繫夢短夢長渾不記餘寒憐

翠被

桂枝香 秦淮感秋

瑤流自碧便作就可憐如許秋色祇是煙籠水冷後庭歌  
歇簾波澹處留人景裏西風數聲長笛綵旗船舫華燈鼓  
吹無復消息 念舊事沈吟省識問曾照當年惟有明月  
拾翠汀洲密意總成蕭瑟秦淮萬古多情水柰而今秋燕  
如客望中何限斜易衰艸大江南北

法曲獻仙音

蓋屋路山甫罷官客淮上

高柳無絲么荷非鏡賺得春人都老坐斷斜易夢回行雨  
殘英有枝空繞凝望眼江波渺離尊那堪倒 渾閒了恁  
妝臺入時梳裏聽杜宇簾卷總成獨笑風雨滿天涯柰而

詞二

九

今睂黛慵掃怕損魚鱗寄音書流宕難到問樓頭月色後  
夜隔華涼照

鵲橋仙

七夕感汾陽故事

羅雲愁薄緒風催莫燭照擎杯酒淺絳河森森向人垂是  
別淚經季流滿 江湖節序睽離心事忍記星期近遠尋  
常行路更何人問可有駟車相見

大酺

問政山中春雨

看舞榆低絲楊綰爭忍良辰拋擲無端敲竹雨響空階疑  
是故人雙屐枕溼鑪寒杯空劍鏞吹鬢東風欺客勞勞亭  
前路便傷心不似少年時節者人遠多忘書催難好付渠  
憐惜 泥涂遙望極望中見山外天空闊怕說與鷓兒巧



囀蝶子輕翻待相逢翠幃將息煖到雙羅袖曾記得牽蘿  
顏色更長笛誰吹徹梅瓣都墜容易細英收拾脆圓幾時  
薦席

玉樓春

青山日日流鶯語曉得春來春又去好雲不似故鄉多行  
雨依然相送處樓臺金粉江南路欲寄相思無處所清  
明霧裏溼梨華寒食煙中迷柳絮

木蘭華慢

桃華

過風風雨雨尙留得一叢華便欲舞還停如鬢又笑巷曲  
人家胡麻賺儂老去者仙山一出是天涯消受趁時勻染  
靨邊片片朝霞交加照水一枝斜鬢影誤年華記渡江  
用楫停辛佇苦別夢都差丹砂漫尋句漏向紅塵何處走  
雲車只是輕衾小簟從渠玉管金笳

浪淘沙

未雨已沈沈簾外輕陰澹黃柳色望中深一片東風吹乍  
起江上愁心倦眼阻登臨袖手閒尋雲愁海思兩難禁  
百艸千華渾不解獨自沈吟

浣谿紗

是處樓臺是處風夕易欲下可憐紅水晶簾外望玲瓏  
芳艸生時人似鴈鏡匳掩處鬢如蓬不成將息只怱怱

大酺

奈枕常敲裘常擁愁病桃華時節紅芳原不改過蕭蕭風

雨闌銷顏色燕妮罵嬌梨昏柳暝哀樂何曾忘得驚心長  
亭路但春泥沒馬要留車轍便山欲化雲絮都成淚怨離  
傷別 年年挑菜日怕多露門外青蕪溼有幾許瑤琴餘  
恨淥酒餘歡到而今總成追憶更與吹橫玉還弄徹落梅  
淒切正迢遞斜易驛嘶騎遙駐人在江城天末倚樓忍聽  
幾疊

訴衷情

邨燕

梨華澹白自成邨華下不開門春愁更與誰道憑燕子語  
黃昏 簾仁卷覓巢痕與銷魂問伊來處綠艸天涯有箇

人人

丁香結

舟夜寄陶漢遶武昌

詞二

十一

妝鏡人非屋梁吟罷寂寞酒尊棊墅問少年游處記斷夢  
幾輩天涯塵土千華和百艸同消受葉上曉露眉頭曾有  
舊恨更遣新愁來補 岐路只馬足難留折柳長亭前度  
小簾輕衾今宵酒醒試哦離句人世原有甘瓜我覺瓜仍  
苦況班騅郎去心事何時再吐

賀新郎

野水用顧兼塘莊倉叔唱和韻

野水方清淺拂篷窗暮雲如蓋一痕流電昨日牽舟今帆  
下絕似風前華片慚愧殺紅襟新燕楊柳層層深似幄笑  
閨中坐老閒鍼縵春夢好那堪選 絲絲絮亂征衣點化  
浮萍依然身世者番驅遣玉笛闌飛人何處冷落舊家閒  
院更誰倚棹鸞雙扇秦女但留顏色在待逢佗籟史開生



面天一笑雨聲徧

百字令

和張樵野觀察題倪雲劬花陰寫夢圖

雲英爲水蕩春魂一片落花浮席鸚武簾薰人在否屬付  
東風留客雷送車塵月裁扇景容易雙成隻美人香艸百  
年難忘去今夕見說墜夢迷離游仙大小樂府翻新拍  
多少相思紅豆樹未抵明珠三百種柳光陰牽蘿身世付  
與誰憐惜千絲織盡支機天上餘石

小重山

二月二日同馮笠射江泉春行

陌上依然艸色薰柳絲猶未卸雨如塵相望珠箔一年春  
江城畔無地展芳尊桃蕊雨三分竹籬茅舍外乍含顰  
少年何處醉紅裙風光好留與白頭人

詞二

瑞鶴仙影

白石客合肥自度此曲子用其韻題王五謙齋小輞川圖安得啞筆栗荷之

越阡度陌涼雲下蕪城一例蕭索故山可隱名園有主不  
聞殘角傾襟未惡更消受青尊酒薄試重歌藍田輞曲冷  
句寫宋平漠回首芳林晚讀畫絃詩少時行樂翦鐙細  
雨賸檐華向人徐落燕到淮南者門巷年年記著弄扁舟  
卻問野水賦舊約

摸魚兒

用稼軒韻自題復堂填畫圖

唱瀟瀟渭城朝雨輕塵多少飛去短衣匹馬天涯客遙見  
亂山無數畱不住又只恐飄零長劍悲岐路舊時笑語待  
寄與知心被風吹斷曉夢託萍絮瑤琴上曲調金徽早  
誤漢宮人復誰妒一絃一柱華年賦但有別情吟詠鸚鵡

舞已艸艸青春紅裏歸黃土斜陽太苦獨自上高樓迷離  
望眼不見送君處

壺中天慢

夏夜訪遺園主人不遇

眉痕吐月倚新涼羅袂浹雲栖暝楊柳知門塵不到記取  
羊求三徑墨石生秋餘華媚晚何地無幽景先生舒嘯結  
廬祇在人境 我是琴賦嵇康依然病嬾卽漸忘龍性畱  
得廣陵絃指在無復竹林高興裁製荷衣稱量藥裏况味  
君同領清輝遙夜碧天飛上明鏡

無悶

早雪

雲霧銀屏風滿畫檐陽鴈宵飛向盡卻夢枕猶欹酒懷初  
醒早是鏤冰試手送大地無塵山河冷苑荒竹瘦聲聲碎

詞二

三

玉雀眠同警 淒緊在人境比臥老空山一般孤迥已誤  
了華季邗堪重省吹上蕭蕭短髮怕鏡裏難銷相思影儻  
故里畱語春風待我落梅芳信

滿江紅

漢十二辰鏡和謙齋

天上人間難得此長圓明月羌付與舞鸞羞影涼蟾慵鬪  
耐冷不隨孤劒化拂塵渾似輕綃滑更扣來碧玉一聲聲  
眞尤物 興亾過情先竭文字古磨還滅喜沈霾無恙尙  
方珍跡十二辰中鉛有淚千季劫後鴻畱雪柰鏡邊心事  
笑噉難何堪說



待堂文

仁和吳懷珍子珍著

聖論

才論 闕

管仲論

論賈生 闕

蜀漢論

擇術上 闕

擇術下 闕

擬言民事書 闕

復堂詩敘

守經堂詩敘

待堂文

程忻有練川名人畫象敘

贈高君昭伯敘

金烈婦傳

書管小異

附錄詩二十首

折楊柳

七哀詩

馮唐墓

台山

晚望

帝城

仁和吳懷珍子珍著

京邸感恻十首

送蔣四之東臺

湖上同蔡子彝譚仲修

古意

鳴芳子珍壯時呂子面諱文辭輒削芥橐今乃來多一篇焉  
是不可昇傷已君歿京師祥符周壘詒收并遺文九首予篋  
中香譜十餘篇傳益出如右風雲出氣崑正出音胡可再觀  
厘呂昆坳文苑出次豈吳子志哉明月出珠匪云亾類平生  
之言謂子媻已懼呂黠竄並作峇出用心風徽未沫呂待來  
哲多人譴獻編次坳書

聖論

待堂文

二

聖人者其道至庸其理至平其教不過君臣父子夫婦兄弟  
朋友其事不外起居飲食宮室男女其書不出易象詩書禮  
樂春秋其治不越教化爵賞刑罰井田學校封建征伐故由  
其教者雖夫婦之愚可以知而能也及其至也堯舜有不能  
盡而天地爲有憾孔孟旣沒聖道不明絕滅於周秦之際漢  
興乃訪求其遺經而後之學者不明其大義於倫常日用之  
閒乃徒挾一二遺經曰是聖人之道之所在也而墨守之而  
談理者則又託諸渺茫不可知之域爭得失於毫釐之間或  
相傳述或相攻擊而聖人之道愈以不明此無他待聖人也  
過尊求聖人也過遠而所以自信也過篤不求諸至平至庸  
之地而以其高且遠者當之是則大惑不解者也聖人之於



君也忠於父也孝於夫婦也別於兄弟也友於朋友也信於  
是乎起居以時之飲食以養之宮室以安之男女以偶之作  
爲詩以歌詠是也作爲書以紀綱是也作爲易以知能是也  
作爲禮以節文是也作爲樂以舞蹈是也作爲春秋以褒貶  
是也能是者爵賞之不能是者教化之不率是者刑罰之以  
養則有井田以教則有學校以屏藩則有封建以討不庭則  
有征伐其大要不過使民老有所終少有所養各愛其親各  
敬其長而已故傳曰教民稼穡樹藝五穀五穀熟而民人育  
聖人有憂之教以人倫父子有親君臣有義夫婦有別長幼  
有序朋友有信故孟子告齊梁之君曰制民之產申之以孝  
弟之義是何也衣食足然後可以施教化天下乃得而治也

待堂文

三

夫聖人之道治天下焉耳聖人之治天下倫常焉耳過乎此  
不足以爲聖人不及乎此亦不足以爲聖人後之人於詩不  
求夫歌詠性情之正於書不求夫立政明倫之大於易不求  
夫吉凶消長之理於禮不求夫善惡邪正之辨於春秋不求  
夫興衰治亂之原而徒章句之是求空虛之是索囂囂然曰  
聖人之道固在是也嗚呼其可得哉孟子曰道在邇而求諸  
遠事在易而求諸難又曰老吾老以及人之老幼吾幼以及  
人之幼治天下可運於掌又曰人人親其親長其長而天下

平

才論 闕

管仲論

管仲天下才也孔子曰一匡天下民到於今受其賜又曰桓公九合諸侯不以兵車管仲之力也如其仁如其仁是孔子之於仲無貶辭也自孟子貶之而後之儒者抑又甚焉嗟乎是不知孟子之貶仲意不在仲而在稱仲之人也意不在仲之所爲而在效夫仲之所爲之人也夫天下之亂至於戰國亦已至矣其變詐而狡獪亦已極矣世之士輒曰管仲孟子懼夫二帝三王之道將至此而絕而習夸詐而尙霸功者未有已也故欲力矯其非莫若先奪其所恃夫所恃則管仲是也後之人不察以爲管仲者孟子固嘗非之也相與集力而排之豈通論哉雖然謂孟子之貶仲意不在仲則無徵無徵則不信曰吾徵之孟子之論百里奚百里奚亦五霸之佐也

待堂文

四

所事卽五霸之君也其才萬不若仲其顯君萬不若仲其有功於世亦萬不若仲而孟子反稱曰賢者而曰相秦而顯其君於天下可傳於後世其稱之也如彼其貶之也如此厚於奚而苛於仲孟子不爲也倍乎其貶仲者意不在仲也嗟夫以諸葛孔明之才其少時自負嘗比管仲後世有孟子者而後可以貶仲得孟子所以貶仲者而後可以知仲彼小儒者又可輕議乎哉

論賈生

闕

蜀漢論

吾嘗讀書至漢魏相爭之際慨然而歎曰嗟乎漢事之敗而孔明之失策未有甚於荊州之役者也夫爭天下者務攬乎



天下之大勢而已得其勢者罔不興失其勢者罔不亡既失其勢而能混一天下者古未之有也是故桓文之霸也在宋鄭而秦之強也在韓魏劉項之相傾也在滎陽成皋而三國之成敗在荊州荊州者形勢之地天下所必爭也處魏心腹之間而據吳上游之地故魏得之足以定吳而滅蜀蜀得之足以劫魏而制吳吳得之亦足以自強當是時也據而有之而以北攻曹操東下孫權猶高屋而建瓴水誠易易也昔者孔明嘗知之矣隆中之言曰天下有變則命一上將帥荊州之衆以向宛洛將軍身帥益州之衆以出秦川嗚呼孔明之言善矣而慮猶有所未至也夫天下之勢重在荊州而輕在蜀孔明則以爲蜀重而荊州固所輕也誠命一上將守蜀而

待堂文

自駐於荊州有變則命將出梁益之間帝自帥荊州之衆以向宛洛如是乃可以得志舍荊州而入蜀其計固已疏矣彼將以蜀爲險可恃也然而公孫隗囂之徒據蜀者世世有之矣吾未見能下中原一城一邑者況取天下乎然則蜀固一隅之地可以守而不可以出也得賢主焉僅免於亡不然雖欲久據其險不可得也荊州北據漢沔利盡南海東連吳會西通巴蜀誠用武之地而與共長江之險使舉荆襄之衆以攻吳之建業順流而下朝發而夕可至也吳之未得荊州晏然而無患者以劉表之闇且弱耳不然曾不得一日高枕也已吳之亡也先失荊州而王濬之師卽自荊州入則荊州不誠爲天下重輕哉智如孔明慮不及此荊州旣失而欲以祁

山一路與魏爭天下於汧渭之間嗚呼難矣

擇術上 闕

擇術下 闕

擬言民事書 闕

復堂詩敘

敘曰嗟乎仲修非詩人也仲修於同人中年最少然獨有志於學其學獨有所成就顧以詩名於時仲修之學能通達古今治亂言天下得失如指諸其掌國家大政刑大典禮能講求其義一一可見之實用仲修既少工詞章會世亦無能知仲修之學者顧籍籍然稱其詩吾嘗語仲修世無能知子之學而稱子之詩世且未有以知子之詩也夫詩自三百篇而

待堂文

六

下其體數變工紉蓋殊焉而原賢人君子所以作詩之旨蓋必有所不得於君臣父子夫婦昆弟朋友之倫而有其家國身世升沈新故死生睽合之感鬱之既久既無以致其悲憤迫切之情一旦有觸於外而動於中遂以宣其纏綿悱惻伊鬱悲涼煩冤咄喑不能自己之辭故讀其詩率優柔善入惻然動人使人歌呼悲號而無以自主蓋其發乎性情之正自古及今有聲詩以來未有能易此者也不甯惟是使其傳之於後後之人雖處千百載之下猶將求其旨於千百載之上故夫在下者識所以事上而上之人亦有所警而不敢越惡者以懲而善者以勸詩道之可貴蓋如是其至也今仲修之爲詩也其撻乎其心而動乎其情固不知何所感而然卽吾



亦不能盡得其意之所指然取其詩而讀之率優柔善入惻然動人使人歌呼悲號而無以自主要與古作者同發乎性情之正者於戲切已則痛難言則深又何言之痛且深也而世輒求仲修於聲律章采之末則仲修之詩在彼不在此雖然吾方與君共有志於學仲修方汲汲焉惟恐日之不足吾願仲修益讀書養氣充其作詩之旨以爲有用之學且益勉之毋徒以其詩爲也

守經堂詩敘

句無壽子家先生長懷珍者且三十年然不以懷珍爲不肖嘗辱以爲忘年交先生負奇氣有古俠士風今年春游杭州手所著守經堂詩示懷珍懷珍愛而讀之既卒業而爲之序

待堂文

七

曰嗟乎先生今老矣聞先生少時卽以文章有聲庠序間爲名諸生稍壯輒棄去遊京師一日而名滿都下都中卿大夫耳先生名爭折節下之以求交於先生者而先生顧心鄙其庸妄叱咤拒之不稍假由是人咸曰先生爲狂相戒不可近而先生固亦不樂與之近也以故益困嘗北過居庸登太行視雁門代郡之雄西出潼關攀華岳之高以馮覽中原經滎陽成臯觀劉項戰場慷慨馮弔東走洛陽往來大河南北袤亘數千里間皆漢唐以來天子之所都英雄豪傑爭戰之地故其發爲詩也率悲涼激壯有秦趙聲則先生之詩稱其爲人也

成皇帝甲辰之歲試京兆偶得一第然終不得志於禮部試

而先生亦已老矣既倦遊南歸嘗往來吳越間維時杭州如蔡子彝袁龍子輩皆年少倜儻自喜好從先生遊先生尤狎近之一日泛舟西湖登鳳凰山望浙江之水悲歌擊劍酒酣賦詩葢忽忽不自知老之將至也會粵寇事起先生尤感慨自負忠憤無聊益發之於詩嗟乎先生少負高才既不獲見用於時壯復奔走四方不暇著書故生平僅有此詩而又散軼大半然則先生之才不徒以文而文又止是豈非同志之士所爲興嘆者哉

程忻有練川名人畫象敘

懷珍以丙辰之歲留京師館華亭張侍郎所程君忻有嘉定人也故館侍郎所因交於程君程君故工畫常以所畫練川

待堂文

八

名人象示懷珍而命爲之辭曰善夫程君之用心也夫士之生也賢不肖或參半焉甚且千百而什一焉聖人以爲非有所觀感無由勉以至於善也故多舉嘉言懿行著之經以爲世法然而士之或從或不從亦且參半焉且千百什一焉後之君子慨然思有以救之則又以爲嘉言懿行載之往籍者或未足以感發其志氣欲置古人于几席之前使夫風采可接而馨欬之可親宜必肅然起敬惕然而深省而向善之心亦將有油然而生者是則程君之用心者也程君旣爲嘉定人常卽其邑自宋至今賢士大夫與夫名宦流寓求其象圖之象繫以傳正續凡九卷爲人七十有六何嘉定之多賢而君之搜羅若是其徧與取其書讀之求如侯黃諸公表表大



節亦不數觀其他獨行文學之士要亦不乏焉程君曰吾益求諸鄉先哲之裔及故家所流傳者十有餘年而後成此嗚呼勤已後人讀其書必有興起者謂非君之力也哉今程君將服官浙江異日吾鄉或有師其意以圖名宦者當爲程君屈一指此又懷珍所深望者矣

贈高君昭伯敘

懷珍少嘗志經世之學與古文之術年十五六時出從鄉先生遊恒樂道之鄉先生聞懷珍言率斥爲狂穉懷珍浸亦自悔年稍長閉戶不欲與當世士大夫交偶遇士大夫輒木強不作一語誠不樂與語而當世士大夫固亦不樂與懷珍語也最後交譚君仲修得熟其文章論議則又慨然太息以爲

待堂文

九

世無若仲修賢者以故益不願交當世士而仲修方以文章有名於時凡當世號能文章者輒求交於仲修故仲修得盡識之而以語懷珍曰子豈願交於其人乎則對曰否久之及高君昭伯舉其學問品詣文章嗜好無不爲懷珍道且曰吾昭伯亦不願交當世士者也由是懷珍每飯不忘昭伯而仲修且不以懷珍爲不肖而亦以告昭伯昭伯且不以仲修之言爲妄然懷珍且終不輕以赴昭伯則又自懼不足以交於昭伯由懷珍棄當世之士恐昭伯亦舉懷珍與當世之士而同棄之也會同人社集昭伯聞懷珍在輒至懷珍旣獲見昭伯以實仲修之所言乃喟然而嘆曰嗟乎是又一仲修也夫仲修明治亂好言事國家大政刑大典禮獨講求不釋頗自

負昭伯言語率直訥然如不出諸口然通達古今事理尤  
工文章蓋篤實君子也二君行不同而性情學術無異故昭  
伯寡交獨交仲修仲修盛交遊顧與昭伯最篤則亦獨交昭  
伯也懷珍方不願交今世士而獨得一仲修由仲修得一昭  
伯然則世且未嘗無士也

金烈婦傳

烈婦姓李氏象山人年十七歸慈谿金某且三年矣金故業  
漁備海上恒數月不歸姑龔性淫穢故與湯某狎湯窺烈婦  
色豔之謀於龔且許以賂龔貪其利又懼失湯歡也誘婦婦  
勿從固強之斷一指以示決龔憤裸撻之終不屈乃密置地  
窖令婦赤身跣足處其中其中實以瓦礫上覆以木僅露首

待堂文

十

緇鍊繫其頸設破甑於旁使一手可掬食者已乃烙鍊使赤  
日夕瘁之自五月以至八月糜無完膚而志不爲動夫龔固  
非有殺婦之志也怵之以威以徐俟其悔旣不見從而禍乃  
益慘至於終不已從則勢有不殺婦不已者夫旣無以獲誘  
婦之利而失所私者之歡已之行醜而婦之毒已也甚婦一  
日不死則已一日不安而醜且終揚也乃必死之八月十四  
謀以沸湯沃殺婦適有鄰媪來知其謀爲哀免之會天陰欲  
雨雷聲隆隆然作龔懼乃止異日媪以語其鄰鄰人固疑之  
旣知其實闕而入室出婦於窖則蟲出於身奄然殆矣尙能  
言乃浴而衣之昇以鳴於官逾時婦死觀者聞其事咸羅拜  
歎息烈婦死以咸豐三年八月二十日年十九邑宰泄視其



屍則徧體皆焦灼割裂無完者乃逮龔及湯置於法

懷珍曰往籍載貞烈事多矣大率慷慨自激於一時烈婦處地窖中百有餘日無日不罹箠楚炙剝之慘嗚呼何其堅也嚮使婦意稍折則將立出諸窖而拊摩薰沐之豐衣美食惟旨所欲或恐失婦意婦固不以彼而易此也夫鄉里一弱女子耳非有詩書之澤師保之訓也不爲威疚殆天性然與噫嘻可以風矣

### 書管小異

天子嗣位之三年春正月粵寇洪秀全旣陷武昌順流東下沿江各鎮戰守無狀抵江甯江甯陷遂據之江甯士民不從賊多逸去者管君小異以諸生困賊中八閱月常與其友孫

### 待堂文

十一

君春如遁爲賊所覺追獲之賊法獲亡者笞其臀五百再鞭其背五百再加以炮烙然後斬以徇蓋賊知人心之不附故設極刑以爲衆戒也小異及孫君旣爲賊所追獲賊撻其臀與背畢次將加以炮烙賊有救之者以免然已幾死不能轉側者月餘是夕孫繫二繩於梁呼小異曰起起我與若陷賊久所以不死者念得遁去有以報國家也今不能是終陷於賊也不如死小異曰不然

天子方在京師謀恢復天下固無恙我與若非有土地人民之責義可以不死吾未獲死所不許次日孫君潛出投水死小異謀遁之志益堅九月賊掠小異爲兵小異曰我力弱何以兵爲賊曰固知爾不能兵也軍中有文書爾堪其任小異

故有一妾一子同陷於賊賊法男女異處雖母妻不得見惟六僞王擁所掠婦女各千餘人僞丞相數百人其下有違者法皆死小異既將出多方謀於僞官得潛往與妾訣曰吾不得再與若見也吾從賊出賊戰不勝官軍必殺吾吾爲官軍殺而死是吾至死無以表吾之不從賊也吾無以見吾祖若父於地下吾先自殺吾從賊出不幸賊戰而勝吾宜不至死然吾不忍見賊之勝也吾亦自殺吾從賊出賊守吾或疏吾得乘間遁去是吾願也可以毋死然若方陷賊中吾不能挈若出是終不得與若見也因大慟妾亦慟以死自誓小異曰吾無昆弟子五歲矣吾死生不可知若能撫吾子則是賢於死也不然先殺吾子乃可毋使辱於賊也遂從賊泝江而西

待堂文

七

至於銅陵賊盡登岸掠小異以掌文書故在舟乘間遁伏蘆葦中俟賊舟盡去乃奔小異陷賊者八月髮長數寸土人欲兵之小異告以故乃釋之爲薙髮渡江而南徒步乞食時沿江戒嚴人往往疑是賊不留宿常露宿郊野凡四十日行五百里至徽州比至兩足盡腫身僅著短單衫新安故在萬山中峯巖嶮嶮然緩狢所穴而豺虎之所出沒也時一月嚴寒悲風四起切人肌骨又遇無所得食恒困乏忍凍餓日匍伏於林箐椽簷間遇素相識者賜之始得不死因以至錢塘懷珍方里居楊君執父建康人也繩以告懷珍懷珍因獲交於小異備得聞賊中事及小異所經歷者曰嗟乎小異蓋君子也方小異陷賊中若小異其才者賊往往亟用之小異深自



韜晦故得免其初陷至遁而出也瀕死者屢矣小異不爲悔嗟乎小異蓋君子人也懷珍與小異登胥山尋西湖之勝每至江山清曠俯仰馮眺未嘗不欲獻泣下也時賊據江甯人多有背賊首與城外鄉民往來或相貿易有婦孺陷城中者私賂之得出小異聞之將往問妾若子消息蓋懷珍不能留也小異名嗣復父同某年舉人早卒世所稱異之先生者

### 增錄詩

#### 折楊柳

江南二三月天際艸悠悠飛燕入珠箔飛楊詒畫樓玉顏明鏡裏蕩子天鴈頭不嫌攀折苦十里贈離憂

#### 七哀詩

#### 待堂文

三

行行清河縣饑民滿道旁招手與之語未語淚浪浪并河  
水決豐沛罹厥殃家室遭淹沒脫身忝四方且忍須臾外登  
高望故鄉故鄉渺何許陰風颯甚楊骨肉盡斃田園亦已  
蕪河水日浩浩欲渡慙亾梁我欲竟此曲此曲悲且長大官  
日沈歎歌舞邯鄲倡

西上臨黃河河滾日漫漫白骨蔽遠野陰雲互回旋道旁見  
一女悲哉飢且寒厭厭氣未鬪叅叅雙睛翻豸婦持之哭艸  
際淚班班心知母與女詒決摧心肝自知終溝壑兒獸先黃  
泉去去勿復顧縱馬揮長鞭北望悲風至揚沙漫長天棄置  
勿重陳重陳我心酸

#### 馮唐墓

漢代名臣墓風力大馬看殘碑蒸薜合古木野雲寒涼滯奉  
驄促跂良際遇難揮鞭行不得回首望長安

台山

旭日升東海天風吹浪浪登高騁予目海宇何蒼涼波濤執  
洶涌浮雲互回翔悠悠望不極疑信迫中臆願假晨風翼奮

鬪起高颶

晚望

暝色起林柯颶風吹白波寒聲回碣石雲气走滹沱鳴雁依  
陂澤芳蘭老澗阿登臨逢落日雄劍一摩挲

帝城

帝城冠蓋何飛揚葉侯

內閣侍讀名禮

高歌大道方中原萬里多斥

待堂文

西

甲日向黃鑪盡一觴

京邸感秋十首

秋之爲氣實颶颶客子行吟襍楚騷風起宮雅嘒暮雨霜清  
木葉下平皋半生心力銷牽馬百歲功名相佩刀正是天涯  
多難日且攜短筑日爲豪

青衫畱滯客幽蕪攜酒登臺值算天易水縈波滌白日勸門  
秋樹入寒煙悲歌幾見鞞卿俠俛叩空裏郭槐賢今古興亡

一浩歎晚雲衰艸滿葑川

季季歲歲急邊防澗宇蒼涼戰血黃將士鞞整生蟣蝨天宮  
星宿連機槍芻糧日給三邊戍砧杵秋寒五夾霜獨步清宵  
望東井誰彎弧矢射天狼



雞人傳曉六宮皆御氣，細繡降紫宸。馳道鳴鑾詒五輅，建章  
飛閣象三神。玉珂宣室朝天客，錦筆甘泉侍從臣。一曲汾陰  
蓮，千古當季李嶠是才人。

鈿車納馬賸馳驅，風柳香塵上五銖。絃索登場迷撲朔，旗亭  
邊句入啁啾。鬪風丹轂楊家戚，結鏡紅羅霍氏奴。朝野且安  
甯，事福升平光景滿。

皇杞

艱難王業感弁明，十載高皇馬上爭。後葉有時耽喪佚，中原  
亾地不戈弁。勝朝失鹿悲禾黍。

眞主乘龍致治兮，二百季來勞使節。諸陵時祭冷榛荆。

搖鞭耻過戰，揚來帙普鞞。刀丈壯哉雨，椒蕙原青燐。出煙橫

待堂文

五

廢壘夕陽開，心傷井里創。瘡甚日聽東南鼓，角哀閔旱意蝗

勞

聖主詔書哀痛下平臺

滹沱烁水晚生波，朔雁南飛灰度河。萬里旅裝驚鬢髮，九州  
民力盡催科。倦游張翰，蘼鱸夢望闕。梁生宮室歌，聞道僊  
僂鄉國故園黃，鞠近如何。

故人書札到長安

得周伯子書

爲說平來行路難，滿目關山馳羽

檄。燕江煙雨負漁竿，風高蘄北萑塵起。露溼淮南青桂寒，勸

我蚤歸歸未得，報書爲余勸加餐。

黑貂裘敝困風沙，病對清尊感歲華。入癡江山仍故國，誤人

龜策尙天涯。拂衣終戀闕門好，攬轡頻季客路賒。雨雪滿天

弁滿地何睥歸公問桑麻

送蔣恭亮之東臺

白日欲落風壯林卉嘯狐狸後悲禽問子行役向何所大江  
目北黃河南江水東入海河漚日澎湃河伯何不仁婁佗人  
民害君不見今季六月黃河決生靈百萬皆負甕况復干戈  
海內多江淮浩浩常溢血我已輕幽子復尔摻執子衿不可  
說吁嗟歲闌風雪寒長涂慙子衣裳單尊弁疆起互相酌爲  
子高歌行路難歌成予夾从此公回首江南渺煙樹

湖上同蔡子鼎譚仲修

輕舟一櫂入湖函咏尔行吟過白隄宿雨畫橋煙水碧空山  
喬木鷓鴣嘯吾嚮嘯傲仍詩酒大地弁爭日鼓鼙淒絕長河

待堂文

夫

控南北登高雪涕爲羣黎

古意

黃鳥揚音風出谷鳴嚶嚶與君初相結甯論景與形君子愛  
芳艸汀州采薜衡竝坐致足樂鼓瑟驚鉤筆爲懼苦未久中  
道寒卉盟南威世云芙一顧君心傾行行日遠道遠道多榛  
荆白日黨回昭見妾平生情



